


ندهة من راحة زمان

سمير الفيل
دراسة:
د. مدحت الجيار



المؤسسة المصرية العامة للكتاب

١٩٩١




الاهداء

الى الأجاب
شادى وهيثم ومحمد
حلم المستقبل المشرق

سمير الفيل

دمياط



تحويلات

- ضم النخيل
- خديعة
- ودع
- حارة البركة

فيه شيء جميل هزني
صعب اني أحدد لون أو شكل أو ريحة
شيء باهر زى ملمس زرع
حسيته .. هو كمان حسنى ..
خدني ف جدائل شعر ، وبتطويحة
شيء ان كتمته
.. تلتمع بيه العيون
وان خبيته ، تبوح بيه أوراق اللمون
شيء كأنه الجنون
أخذ من الضى بريقه
ومن النيل العفى ريقه
ومن الكمنجة حزنها الشفيف
شيء يبدد في قلبي الخريف
أخبي أسرارہ في نين العين

هو أقرب من الفرح الحزين
أبعد من انى أقبض بأيدي عليه
.. أمسكه

خايف لحد اللحظة موت انى أحده
الشريط كتان ملفوف لفة ورا لفة

مفتاح للنيل ، وهزة التواييت

تعديّة الضفة

ده خوف م المغربية

أم تعويذة للأحجار وللمتماثيل

شئ ما التقيت له مثيل

حملنى حمل ثقيل

بلعنى غلة ، وتمر ، وفصين توم

وهمس فى ودنى انى أكون له كتوم

أصعب ما فيه ان المعانى عصية

غزال شارد فى مرعى من النجيل الطرى

الضحكة دى مرمرى ..

جايز نونس بعضنا

وتصرى جرحى فى المنديل

الأخضر بيلبسنى ويمسنى

الحلم جوه القلب بيغزنى

عصافير غزت قلبى وشالتنى

عنين سودة بتهجنى
أمد ايدى واقطف الجميز
الفرع ف آخر حنة .. مش مالكة ..
.. أنا طقيت ..
باسند دماغى فوق كتفها
أنا الأمير الخايب الى باموت ..
.. على عتبة الحواديت ..
مش عطيانى رغم الهجير ضلها !

١٩٨٩/٣/٢٣

فى الفجر نادانى
مد شعاعه اصطفاى
ضمنى لصدرة بعنفوان
من شهد البرتقان .. وسقانى
فتح بايده دفترى
وغير حروفى الى ارتوت بالدم ، ملانى
ملانى بالأسرار والأسئلة الصعبة
.. خلانى
وسط الهجير ، فى الصحرا شجرة دوم
نجمة بريقها انجس خلف الفيوم
سابنى فى حلقى عذوبة الانعناق
جانى من تانى
سلاسل من ذهب تبرق
وعزف مش نفس الحانى

نبش في الوريد ، ودوب ضوه في الجسد العليل
.. ومناني

بشجر فراولة وبروق .. وأنهار من غسل

قلبي بالأمنيات اتغسل

لكن في صغوى حسيت بالخداع

قلبي الي كان بيحس ضاع

بعت شكى بيقين كاذب

والوقت قبل ما انطق باحاسب

وأخر الليل بافتح السمسونايت آتاسب

خسران ، ولا كسبت بزيادة ؟



بافك خوذتى ، وباخلعها البيادة

أرمى أفرولى بطول الايد على حافة السرير

الطعم فى الحلق أصبح مرير

صفوف تبخلق فى الخلا : هدها الانتظار

أنا ماعدتش أقدر أحده لون .. وموسم الأمطار

باخاف ضلى ، وباتخبي من طيفى

أصبح خريفى

.. معلق سترته ع الباب

كل الصباح بعتوا تمازى

(سليم الأول) الفازى

قيد اسمه فى دفتر الزيارات : صديق

ولما بصيت م الشبابيك ..

٥٥٣
.. كات السكك بتضييق
بيوت العمام والخلان يطولها حريق
واللى منع الدمعة تفر وتبل ياقتي
انى اول ما انتبهت

طبقت ايدى على بطاقتى
واتساندت على كتبى القديمة
استعدت شىء من عنفوان صمتى
بكيت فى أودتى الضيقة

.. بكا انسانى

بكا فكرنى .. ما نسانى !

١٩٨٩/٣/٢٣

« الى رأس البر فى الشتاء »

للبحر فى الشتاء ألفته
للطير المهاجر رفته
وللرمش الحزين ندهته
تقيل فى صدرى الوجد
معنى على الشط باجمع الودع
الموج بيغمر صوابى ، بعد ما يبيلها
كل البيوت متساندة على ضلها
ساعة عصارى والضل خافت
تنبح كلاب .. أرمى بايدى الصدف
تجرى هناك ، بعد ما خافت
لسه أنفاسه رغم البرد دفيانة
سمانة تتخبط فى التعب والشبك
ريحة اليود فى المكان

•• ونوح السمك
قلع العبك
•• بيتطائر
عشاق كثير حفرت صوابهم أسامى
فاتوا مواعيدهم •
•• حسهم ع الموج بيتمرجح هنا قدامى

● ●
النسيم همسه مش خافى
وحدها الشمس بتوافى
عسكر السواحل بيتسحبوا
بيحطوا ايديهم ثقيلة فوق كتافى !

● ●
للفضا الواسع السلطان زرقته
للبحر فى الشتا ألفته
ولقلبي أحزانه
كانوا أربعة وعمرهم ماخانوا
كانوا خمسة •• لأ ستة •• أو سبعة
يا عينى سحى الدمعة من ورا الدمعة •
مش عارف أبتدى من فين تدويرى
ريق العصارى بلون أجنعة عصافيرى
شباك مفتوح للنسيم وللأسرار
ضفيرة سودة تحت الطرح : تيل منسوج

صخور بيتكسر عليها الموج

أنا بافتش عن وجه غايب

•• عن سر أضناني

أنا الى سنكرت دكاني

بعد ما صمته أبكاني

حببت هدير البحر أو غضبه

تخمش ضوافري وجهه ، يضربني وأضاربه

ضاق عيون ع البعد ••

•• من وحدتي

مدى ايدكي بعير زهرتي

بشويش ليطلع حزنهم في

أوصيك يا بحر : ما تنده على

قول للغريق يكتم في المسا ضحكته

يمكن محبينه يزروه ••

وهما الى جم علشانه

دابت قلوبهم نزيه

ولقلبي أحزانه !

• •

١٩٨٩/٣/٢٣

ريحة نشارة الخشب فى نخاشيشى
الطفل كنته

خجلان ، فى جيبى بقاشيشى
باحلم أطول البنك وامسك فارة
أحلم يكون لى داير حمام
يوم الخميس أطلقه باسمى
، فيونس الحارة !



ريحة نشارة ، مالىه كيانى
وانا عمامى أسطوات ، هدونى شيل الواح
كتتفى الى نخ ، الوقت يمكن استراح
يمكن ويمكن .. خف النواح
ندبة فى جبهة أمس نازفة شقا ، وضو صباح
سواعد أولاد خلانى طبطبت على أكتافى
أنا انتعلت الأمس .

•• أم لسه •• أنا حافى ؟

لسعة بلاط الشارع ما يوم همنى
لما لعبت « الطزة » قام مدنى
صرخة من برايا ، جوايا غابة شقاوة
خرطة من البقلاوة ••

•• مص الدوم
جوه منديل تيل اتفرك عيشى
ريحة نشارة الخشب فى نخاشيشى
الساعة واحدة الظهر داخله بعرقها
: تقاسمنى غدايا ، ولا نفضها شركة
البركة فى اللمة يا حارة البركة

● ●

دروب تخاصم كل سكانها فى الضهرية
فى الليل بتضحك ما تعرفشى تبوز
شواكيش تدبدب ، والصدف بيبروز
ابن المعلم صابح يجهز
مزىكة ، وكراسى ، ونسبة ••
•• عروسته اللوز هيتجوز
وقفنا على باب الصوان حافيين
درنا نهلل فى الحوارى العتمة ••
•• برمز حزين

المعنى فى الحنجرة مش كامل
لون الحوارى رماد ، لكن ضيا هالل
(يا حداية .. يا أم دواية
جوزك مات .. فى دمياط
زغرتوا لها يا بنات)



النجل مش لون الورد ..
.. ولا المدينة سهرها بالليل طرايبشى
لسه القانوس ينهز ..
.. ونوره جوايا ما بينطفيشى
ريحة النشارة ..

.. تقاسمنى حلمى بالأشياء
نافورة من ذكريات : مابتخليشى !!



١٩٨٩/٣/٢٣

ندھة من ربعة زمان

- جبل الغسيل
- لون البحيرة
- روحك وضل البيوت

ايه الى هز حبل الغسيل ؟
عصفور بيندهنى ..
ولا صرخة قتيل ؟
مواويل سامعها يبعثها النخيل
.. قبل ما يسافر
أنا مطاطى راسى ومربع ايديه
وجدى باله طويل
لما السحاب بيعدى ، يفزنى بحسرة
ويهز فى الوش منديل ورا منديل
اياك يا نيل
تبعت توابيتك بنقشة الحنة
اياك تشيع هواك عليل
النجيل ..

٠٠ انحنى وع الأرض وطى
راس القتيل لسه بتتغطى
مكشوفة م الأطراف ، والشعر بيهفهف
الشعر فاحم
زى قلب الأرامل
البننت لسه طرية الأنامل
واقفة تعيط وحامل
البننت ، والشجرة توارى دموعها
البننت باتت بجوعها
ورغيف على العتبة هناك
وجه اليتامى جميل
ايه هز حبل الفسيل
عاد بى ورج الحنين جوايا
وايه بدايه الحكاية ؟
فتلة من التيل شايطة ، وزيتى
وتوب مطوى تلت طيات
فى بيتى
قايش وكاب فى آخر رف
أنا عيني مش بتترف
عيني بتدمع ومطروفة
مسنود على ذكريات قديمة
وحصان خشب هزنى بالصهيل
اخواتى لبسوا القديم

لمع ازاز البيت فى ساعة أصيل
عودى ماعدشى نجيل
ولا هزارى مع البنات بييجينى
الدم هرب من جوه شرايينى
كون كانه بلا طعم أو لون
كون زى قطر بیدهس القاعدين
ومهما تقرا الفاتحة
أو تسترجع صورة ياسين
تلقى الجسد مدعوك
وفى اللسان الشوك
تلقاك غريب
والوطن مش على كيفك
ومرارة الأيام
.. فى طعم رغيفك
هل لان الصحاب اتفرقوا
والأعداى - ع القهوة الى قصاد بيتك - اتجمعوا ؟
وسدوا بجزمهم كل الطرق والمسالك ؟
(ابن مالك) ..
.. قرقض ضوافره وعداك
شاور بالعباية تعدى له هناك
وانت واقف بحسرتك داينخ
هربوا المشايخ

وانفرطت حبات الكهرمان
طلع المؤذن على السلالم ما بان
نام الخليل على وشه
وقلبه التيار

ده مش التتار
ولا الفرسان الى هزمتهم دقات الحوافر
هو الشجر هاجر
والذكريات

قطر بتفر من الشبايبك عواميده
أنا شلت قهرى وصرخت
اختفى ، والدم انسفح فى نفس مواعيده
أول شهور السنة بالخصوص اجانى
هز راسه وحيانى

فرش الكلام ، واتلف فى المعنى
الحرف كان قادر يجمعنا
لكنه أصبح هو الى قضبان
والجسد مسجون



وداع للريح الى حطنا وشالنا
وداع لسفرنا وترحالنا
ايه معنى أيام بلا أمجاد ..
.. ولا فيها حتى أنين

هل العدد فى اللمون
شابت شعور السنين
القلب اتعجر ماعاد يرجه الحنين
التوب من تحت باطى شاط
وحبيبتى لم تبطل عياط



شريطين على كتف واحد
وايد مضمومة ..
تتكرر الزومة
وغيار المعادى يلف نفس السرية
فى الصبح أنوح بشويش
وبانزف فى المغريبة
يعلا للغصون الوارفة نحيب
توب مطوى فى الكراكيب
صورة قديمة ، وخط بالكوبيا
زهرة وصبرها صاحبها جوه كتاب
ندى الشباب
وكحة العواجيز
مشنة الكحك ، والايد مسنودة ع الافريز
هى ارتعاشة الموت ، وانتظار النهاية
(لكل ظالم انتصار
ولكل مظلوم نهاية)

قاصد ، ومتعمد ، ومش خايف

اقلب الآية ..

خمس صوابع مصلوبة ع الحيطه

خمس صوابع والجلود بتشف

عروق يجف الدم فيها ، لا تهتم

مكتوب تموت الموتة دى بالساهل

مكتوب : تلف ، تروح ، وتيجي

ترفع رايتها وتسلم .. قبل ما تقاتل

وأخر العمر تتباع فى سوق النخاسة

اياك بتنسى رقم النخاسة ..

اياك تنسى تمسى ع الصحاب الجداد

أياك تنسى تصبح

.. على وجه سلطان القطر المملوكى الجليل

ايه الى مرغنى فى الذكريات

وعتم الضى ، وزرق القناديل

ايه الى هز حبل الفسيل ؟



لون البحيرة الزرقة صحاني
والنورس الأبيض همس وخلاني
أنده لخلاني
أرجع واكر السنين
وامسح عن القلب الصدى
أنده ويرتعد الصدى ، لصوتي الكسير
لون وعرفني أسرارہ
قعدني ع الدقة ، وكأني صاحب دار
كانت بتفسل وجهها في الشمس ، وعفيه
كنا صحاب ، والقلب نبضه شباب
قمصانا ع الكتاف ..
.. متهدلة وواسعة
نسعى في مرعى كله أخضر من حروف الكلام
بعيد عن الطواير ، والضى والبتارين

كان الخلا له لون
والكون ما ضاقشى ولا كشر
نمشى لنص الليل ، والضحكة سكتنا
القعدة فى الشتوية ..
ريحة خبيز بيتنا
ضل العنين

أرجع واكر السنين
مبلولة بالذكريات الحنونة
الى مش راضية تنسانى ..
الشعر جوه الصدر آتانى
وفلايك يمرججها النسيم
فى مراسى الصيادين
أنا حزين ..

حزن مش عادى
حزن طمى الدلتا
وحجر صوان من الأطراف
متقسم الجسم فى الوادى
ولا كل جرح بيندمل بالزمن
ولا كل روح تتعافى بالأيام
كل ولاد البر ده أيتام
فرد وحيد بيهرسه الزخام
رخام فى القلب ، رغم دقات الوريد

صهيل الفرس ، وكرباج الحوذى
عوزى بيحصد الأرواح ع الرمل
عوزى يهودى طل ع القبوطى
.. والجميل

دفقة من الطلقات فى شهر النيل
وصفحة ع الشرباصى
ركلة فى بطن فتى من الجليل
فرد بيطوى الخريطة
ويعض على الألم بأسنانه
واقف مكانه
وانا باجرى فى الذاكرة وارمح
تسند دماغها الأرضحة ، يميل النخيل
جنازة بتسير من جيل لجيل
خشبة بتتنقل من كتف للتانى
أولاد عمامى
خدونى فى حضنهم
بلى دموعهم وجهى ، لسعتنى
الارتعاش خدنى
والصارى مطبوع فى الفؤاد
وفى الننى ..
ايدى تفر الكتاب
وعنيه آخر الزقاق
هى مرارة الافتراق

نشع الرطوبة فى الأضلاع
العين بريقها يفقد الالتماع
خطوة للغربة ، خطوة للضياع
لقمة بجبنة ، والقدم حافية
اللقمة مش كافيه
.. لكن هنيه
أول نسايم الحرية
مد الخطاوى فى السكك : أول خيوط الفجر
الشمس مكتومة ، وبتعافر
الدم فى الشرايين قطر بيسافر
فاتح شبابيكه و طائر طير
عارية البيوت ، لكن دى دفيانة
سمانة فى كفى ، وبلا ريش
فى قلبى فرحة راح تكبر
والشجرة لسه فروعها ماتغنيش
اللقمة مش كافيه ، واليوم يفوت
الضحك مفروود ، والعيون ماتعرف سكوت
شباك بيفتح ضلفه ، يلمحنى
يهمس ، يونسنى
أمر من تحته يرش الضو على راسى
ناسى طراوة ايديها من لحظة خصام
ناسى وباتناسى

خدودها مش متباسة
ولا النخيل وطى وشافنا
لحظة ما برق الرعد انكسفنا
شفاف يالوح الذاكرة الوردى
رمادى فى اطارك
وبهيج فى تفاصيلك
تفكرنى ليه كل ما اجى لك
تنكرنى ليه كل ما أجيلك
تنكرنى ليه ، وزهورى دبلى فى حضنى
زهور يوم الميلااد ، أو ورد لكفى
عينه تشوفنى : كف يضرب كف
خدنى فى حضنه وصفعنى بعد يومين
رمت ورايا ورقى وأقلامى
تاه ملمحك منى
تاهت عيونك ، وشعر بصفيرتين
أنا مش حزين ولا نادم
لكنى مش لاقى الوطن الى يفرحنى
شيك العمام مفرد فى زهر البيوت
الورد زهره البنفسج يفرحنى
الصمت مالى المكان ، بيجرحنى
(ليلي مراد) بتغننى وانا سامع
كل المراكب تشق القلب
واتا دامع

راكع .. على أبواب .. على أعتاب بتنكرنى
عكاز وتحت الباط ، صحة فرادى
واحد بعيد فى السفر
والثانى هزمه الشجر الى بيصفر كل مادا
قهوة زيادة ممررة ف حلقى
باتخيل الدكاكين بتندهنى
البوص ع المنعذر شالتى
خبانى من نبج الكلاب ، ونعق اليوم
خبيت عياطهم فى عبي
ما أقدرش أخبى
وشباكى بيضيق يوم بعد يوم
ما اقدرش افضفض لغير النيل
بتوهبنى ضفتينه السماع
تخطفنى المدن للضياع
كل ما ادارى تنكشف الأوجاع
تندهنى السكك البعيدة ، وصوتها حانى
لون البحيرة يا لون
ان مت ..
مين جانى ؟

• •

١٩٨٩/١/١٦

روحك .. وضم البيوت

(الى الشاعر الراحل طاهر أبو فاشا)

« ١ »

ضل البيوت متساندة ياخي
ريحة هدم أصحبا تنادينني
وانا الى باهرب من ندى الشبايبك
واقف لوحدي في الخلا باناديك
باطوى المسافة ..
.. من عير ، وبانده عليك
سامع ندايا ، ولا فاي تنني
يا روح بتملا الحوارى .. انت مانسيتني
الايد تطبطب ع الكتاف
في المنام جيتني
في البرد رمشك لحاف
صوتك عجوز يرتجف بالمآسى

حضنك يضم الحوارى ٠٠
كلها وقت الأماسى
جأى كعهدك ٠٠ ولا ناسى
(قهوة شاهين) (١) بتستنى صهيلة القعاد
واصحابك الى بعاد
فى القلب منتظرين
ليه انت تهرب فى النكت
والقلب جوه حزين
ليه كنت تضحك فى المجالس
وانت حاسس
ان شىء فى الفؤاد مجروح
واخذاك سكك للحزن أو للنوح
ساعات بتكتم كثير
وعنيك ساعات بتبوح
هى الجروح سكناك ٠٠ ولا انت ساكنها ؟
قمر ك معتم تمالى
٠٠ ولا الليالى مخاصمها
ريحة الحوارى من بعيد هله
وانت تفتش عن ونيس
بعد ما تنفض المجالس
تفوت ع « النفيس » (٢)

تتباكي ع الأموات وع الصاحيين
وتكر أسماء الي راحوا
.. والباقيين

منين يبدا أنين
.. ولا عمره ما ينتهيش
تفتح كتابك ، وتقرأ ليه بشويش ؟



ده صوت ملان بالشجن
لكن يزاحم الشجر
وفي النخيل بيعيش !

« ٢ »

كل الغناوى غضوبة
وحواديتك شفتها مخصمك
عضمى الى استوى م الرطوبة
.. يوم وداعك جاك
رفع صحابى المناديل ، وشاوروا
.. ويفطة مستنياك
آخر حروف عطشانه بالأمنيات
آخر حروف بتطوف وأسيانه
فى كل دكاته .. بكاء وعياط
فى كل شارع فانوس مطفى

موكب من الجدود ماشى ف سكات
موكب لاصحاب شفتهم
.. فى الحلم أو فى الحياة
موكب طويل .. ياه

« مصطفى » (٣) أبويا فى بدايته ما يلتفت لى
بائده عليه .. ييغشش الرؤية ف عنيه
.. دمع نازل طوفان

وابن خالى « محمد » (٤) يبيتسم كالعادة
مات فى عز الشباب
وراسه مرتاحة ع الوسادة
يبص ناحية راسى ويسهم
أنا .. مش قادر أتكلم
ظاهر بياخذ راس الموكب الى معدى ..
.. ويدندن ..

(ليه يا بنفسج بتبهج وانت زهر حزين)
الصورة رايقة وجوه قلبى الارتجاف
أبريقى من خوفى اتكسر
مد ايده بالخشاف
: « سمى وكل
.. يابنى فى الشعر أو فى الوطن
سمى واضحك
يكره ده ملكك

أنا دفعت التمن «
قلبي تقيل بالوجع ، واصل لحدك
عينى مش مطروفة
•• غير بالبكا والجروح
الروح ثقيلة بالذنوب •• الروح
و « شارع المظلوم » (٥) بلا فوانيس
فى كل ليلة خميس
العتمة تزحف وليها هسيس
ده صوت ورق الشجر أم حجر
•• فوق حجر على صدرى يتزايد
شاعر قديم هزنى
وجنبى قام قاعد
الرحمة ع الى فاتونا فى الزحمة
كان الوهج فى الكلام بيونس
وانا صاحبى فى بلاد الفلوس والجاز
باستنظر انه يعود ويتمهمز
يلف تانى معايا حواريكى يا دمياط
(مروان) (٦) وضحكة شمس
•• لسه ف علم غيب
(شادى) (٧) بيتلفت لغنوة
حيرانه لفيروز
واحنا نخبى المشاعر فى الرموز
آدى بيت لعبنا فى صحنه

وأدى هناك شباك
•• شربنا من قلته
الحوش ده فيه بنت جميلة حبيتها
•• لكنها حبتة
أحنا زعلنا وافترقنا وعدنا من تانى
عقولنا مليانة حكمة
•• مكسورة جوانا الأغاني



والذكريات تبشير لفجر حنون
ايه الى جوانا دافى كده ومكنون
شئ انسحب مننا وسكينة سرقانا
آه يانا من وحدتى ••
•• كل بيوتنا حزانة ••



واقف اعاتب حنينى
ليه يا زمن بتفوت •• تنادينى؟؟

« ٣ »

أنا بانفلت م الحزن
وائت واقف هالة نور على راسى
ناوى تفارق ••
•• بعد ما يلماوا الكراسى؟

كتبت أربع سطور
بعثت لى القوافى
ولبست بالطو الصوف
ناوى تروح المنافى ؟
نحيب قديم يلبسنى
حط ايديك فوق كتافى
الجو شايفه مغيم
أم انه لسه صافى
أنا باحب المطر
•• والنيل باحسه دافى



أنا بانفلت م الحزن
وانت م الجسد
جايز تغيب ، لكن أكيد هنتقابل
قدامك الطبلية موجودة
وأدى الايدين ممدودة
كل من زتونى وعيشى
ريحة القرنفل جوه نخاشيشى
واحنا النوبة دى بنتعشى بسكات
راصين كلامنا على باب الدخول
يا سيد القعدة
•• يا راجلنا العجوز

ساندين زهورنا على حيلة الانتظار
آخر ما شفاء الغنا منبوذ
عود انقطع وتره
وصوت طالع نشاز
تضرب بعكاز
.. كل الى عكر مية المنيه
وما كانشى عشمك تلاقى البومة بتنوح
فوق السطوح ..
.. والخلق بتهز الدماغ وتتطوح
يتحسروا ع الماضى يجروه لأيامهم
يحشروا الجسد فى خيمة ..
.. لجل يزيحوا آثامهم
كل الى شفته صدقه
وامشى ودندن كعادتك

● ●

قبل انفلاتك قول ..
كلامك بريعة البرتقان
للكادحين الغلابة .. مش لولاد الذوات
والله يا عمى محتاجينك
فى الوقت ده بالذات

● ●

حاجات كتيرة بتدحرج حجرها فى وجهنا

أحلام يدوسها قدم غريب
ويرعش ضحكنا
عشيك مندى ، ومالى جوايا
أنده على الصحبة يردوا معايا ..
(كلما هاجنى الحنين الى لقياك
.. أغمضت مقلتى لأراك) (٨)
وكلما قربنا السكة تبعدنا
بنحب نيلنا ، وليه المية تخاصمنا
قبل انفلاتك ..

.. فى البعيد فهمنا
يا عمنا آيه آخر المشوار ؟
هل تكمل الغنوه الصبوح
أم هيخش دارنا النتار ؟

-
- (١) قهوة شاهين : ملنقى اصداقاء طاهر أبو فاشا القدامى وتقع فى سوق الحسبة .
(٢) النفيس : حارة دمياطية عريقة
(٣) مصطفى الفيل : أبى ، توفي ١٩٥١ .
(٤) محمد الدالى : ابن خالى الأسطى أحمد .
(٥) المظلوم : شارع بالقرب من منية دمياط .
(٦) ، (٧) : أطفالنا .
(٨) من قصيدة دمياط لأبى فاشا بدبوان (الليالى) اصدار الهيئة المصرية العامة
للكتاب/ ١٩٨٦ .

١٩٨٩/٥/٢٢

البكا مش حرام

- عن الأرض والفرص
- كل شيء
- صوت
- بكائية الى زكى عمر

الأرض دى كتومة
لكن لها طاقة
وبيوتها مهمومة
وفاتحة للضيا طاقة



من غير بطاقة بيعدوا الولاد
فى الشوارع من غير كلام
يدوبوا فى الراقد الكبير
يتوهوا فى الطمى - الى استوى من ألف عام -
يتصنتوا بكرة الى عاشوا يستنوه
يتصنتوا دقة حوافر الخيل
الى فرسانه لم نسيوه
لكنهم خانوه

بالانتظار

وبالفرار

٠٠ فى الصفحات الى سودها حبر المطابع

والجوابات الى تبكى الغربة

وصورة عليك ع الطوابع

هى دى أرضنا الولادة

وهو ده زرعنا

ودى قعدتنا فوق الشلت

نستنى القهوة سادة

وبنرسم الخطط

فزيادة

يا فرسان الكلام والخطابة

الأبجدية مشنوقة على عواميد الكتابة

وجدتى المهابة

تايهة ما بين القدس والجليل

ضايعة ما بين الخليل وامبابة

الزمن خوان

والكلمة نهاية

الا أن تكون نفيرو وعسكر

يطلعوا م الحوارى للميدان

ان قلت مصر زرعها عطشان

أو قلت ان قمرها بان مخنوق

ان قلت ان نيلها بيتلفت في فزع حيران
فانا مش شجاع

ولا فارس في ايدي السيف
ولا سلطان ، باهر الصولجان
لكن عيني بتلمح
الطفل الى طالع يبشب ع الطوق
ان قلت

.. فلأن الأرض ذاتها كتومة ..
لكنها من جوه بتتقلب وتوج نار
وباين لها شقوق ..
..

البومة بتتمايل على اريل الهاتف
وانا بارتجف خايف
باوارب الضلفة وابص م الزيت
ع الطريق
الخيالة يسرقوا الجياد مطهمين
والخلق كله مسلمين
وساعة الفجر تدق كل الابواق بانتظام
حى على الصلاة
حى على الفلاح
والناس تقوم ، ترجع تنام
والشمس طالعة فى الجغرافيا

لكنها مقتولة جوه كتب التاريخ
الشماريخ الى هزها الفلاحين
ولعوها فى الشتوية
والخنجر الى لمع فى ايد سليمان
الى حلب وهبته الكنانة
أصبح مزخرف ..
.. مانشوفه الا فى ايد هجانة
.. مستقوية
والرايات الى مطرزة باسماء صحابة
على .. وعمر ، عثمان ، أبو بكر
تتهز المغربية
ساعة الذكر
الفكر سمان بيوصل لحد الشط
وفى الشباك يقع أسير
الفكر .. والمصير
كل شىء فى تحول ، وبيوتنا مسكونة
بعضونة
أو بسكات
أو بافتئات
خلف وخلاف الناس
يخافوا ويمعششوا ع البنكنوت
يتشجعوا ، يضربوا صاحبهم لحد الموت
لأنهم ما دفعوا الايجار
.. وفات نص شهر

بينما ماسورة مدفع الغريب فى الضهر
متصوبة باحكام
- الساعة كام ؟
رد على فى الزحام
دمك حلال ، وجودك حرام
ومن تحت الحزام
كان خنجره مصدى
نصله بان مسنون

. .

وعلى سلوك الهاتف تتنقل البومة
والأرض دى كتومة
الحزن مش الخروج ولا الابتئاس
ماحناش بنكتب علشان ننكد عليهم
لكننا نخاف ع الناس

. .

فلكل من يهमे الأمر
وحتى لا يحدث التباس
فلا بد يعرف القاصى والدانى
ابن الحلال . . والثانى . .
الى عشق النور لجل ضياه
والى حب الضلمة لجل جريمته تتستر

النيل ان صابه الوجع
فالغيطان مظلومة
والأرض الى فضلت كتومة
على المدى هتتكلم
وانا بادعى ، حين ماتتيسم
تبهدل السجان

تعلم الحجر والبشر
حكمة الانسان
ما أتعس الكتمان

ما أروعك يا شعرنا يا فاضح الزلزلة
.. وراصد البركان
جايز تكون متعفر القسمات
لكن الحنين واضح

.. .

مابدناش الا أن تقوم أرضنا قومة
وتنفض الأحزان ..

● ●

١٩٨٧/٦/٢٣

• الدفا فى حارة البركة ومعرى
الغربة فى الدقى والزمالك كل شيء هالك
البشر والممالك
حوافر الاحصنة على العشب الطرى
وجعافل الغزو .. كذلك !
القمر الى استغبي م الكسوف
وضياه الى بان حالك
أنا فى الشقوق مخنوق ..
أم انى مشارك ؟
ورقة شجر هزها الخريف طارت
أم سيل م المطر ، خبى بعنفوان نارك
أول طابور على رمل سينا
.. فى المعارك
آخر صفوف المهندمين : جايه تبارك

قبالك
يدوب حزنى كفص ملح جوه محيط
قبالك
أبدو كانسان بسيط

ترجع براءتى ، ما ابقاش حويط
كل السواد الى جوايا يروح
والجروح
تختفى أو تلتئم ٠٠ ما يبقى نوح
دمى الى مسفوح

من يوم عساكر الهكسوس ، ماخطوا فوق «أواريس»
بيعود لشرابينه
وجه المدينة الى صابه العمى
بيفتح عينه
والوطن تتوه سنينه
حبة رمل ، ملاية حرير ، اشرطة كتان

بيبان
خيوط بتلمع فى الكلام محزون
كلام موزون
فى عالم برجله النفاق
عالم ماشى يتطوح
عمره ما فاق
يتعكز عياله على باب مصدى قديم

يطوينى كرى
يفتح لى طاقة قدر : النديم
أبكى فى حضنه ألى الى مكتوم
يا يوم
بابكى ساعاته

يا خطو ماشى بوجوم
خدنى لعنيها الحزنانيين
خدنى لتكشيرة الخجل ، والحنين
بين السطور أم فى الشوارع ، ماشى باتطوح ؟
بين البحور الملح أم فى الجنائن .. الورود تطرح ؟
كل شىء ينقسم ضددين

خوفى عليك تضيمى فى الزحام
وحلمى أشوفك تقطفنى مانجة وتين
حببت فى دمياط

زنود النجارين
صوت العرق ع البلاط سقط
ودقة المسمار فى لوح الخشب زان
أزميل بيحفر زهرة ، ويعيط
هنا ريحة العمل هلة
أهديكى حرفين ، وقلة تشربى ، وفلة
لكن تهربى منى ، ولا تمدى الايد
ساقوا العبيد

صفين ، سلاسل حديد
وأبدان : تنحنى للحفر
أبدان نعيلة بتوطى
غطى بقمر الليل البكا غطى
لحسن بيوصل لشباكها الى بات مفتوح
حببت فى دمياط
بيوت « الشرقاوية » الصفيح
والنيل بوجهه الصبوح
لكن ما حببت الزحام بالمناكب
من خرم ابرة تعدى العناكب
وتتزاحم على الفريسة بلا ضابط
رجع م الميدان
٠٠ بفانلة حمالات : ضابط
فوق الكتاف نسي الرتب ، والنجوم
مهزوم لحد اليوم
باشوفه فى الشوارع
بين التراب ، والورق ، ضايع
كل شىء يتحد ضددين
كل شىء ينقسم ضددين
بيت فى السويس واقف على حيله
وقهر يونيو الحزين

صياذ سمك فى قاربه ، محنى الجذع ببسمل
وتاجر القشرة الى ستف ذهب خزين



وانت

رموشك تغطى الاتنين
وطن السماح والآنين
لما رفضت يكون كلامى بالرموز
عادل الشباب تانى ..

ماعدتش عجوز



وقف الفرنجة يحلموا بالاهرامات ..
والبنات اللوز ..

عدوا المخاضة من سكات
خيانة أو دسياسة مش افتئات
عدوا الأبواب الى سنكرها الليل الحزين
سلطان وفوقه ملاية للصمت ، أو للموت
حوافر الخيل تعفر سكك .. وتفوت
الباب موارد : فرمان ورا فرمان

« شجرة الدر » مقهورة

.. خايقة تنحنى المنصورة

لو تنحنى .. ما يقدرشى راجل يضم مراته

والنسوة تنسى الأمان ، ويباتوا ..
مفضوحة شوارعهم ، ومنداسة البيوت
وجهك سواد
سلمت مفاتيحك وصاحي
ع الجوزة بتشد النفس صباحي
وتهز عصاية بتلعنك جدورها ..
.. وشجرة توت
ده حلم : مستحيل !!
ده ماضى : يجوز

● ●

دلوقتى اقدر اقول لى بيذكروا كفوا
شيلوا البنادق .. من خلفى اتصفوا
لسه الحروب ناوية تطهرنا
لسه الغريب باصص على دارنا
عارنا السكات أو الموات
أو اننا نص نص نكون
حبيبتى .. زهر اللمون

● ●

مدى ايديكى ، نفسى تدفينى
امشى معايا ، وكمل غنوة تشجيني
صافية كبحر الصيف
وطفلة بضفاير

بصيت .. وشفت عنيك
فيها الحنين حابر
تعالى جوايا
أو أبقى جواكى
لكن ماتبكى بعنيكى ، تحت البواكى
ماشية وخجلك : ضل الطفولة فيه
قمعى أضمه ، ولا انت هتضميه
أم السفر واخذك لحد النهاية
تعبت من غربتك .. وبكىتى من تجوالك
كل شىء هالك
البشر ، والممالك
حوافر الاحصنة فوق العشب الطرى
وجحافل الغزو كذلك !

١٩٨٧/١١/٢٣

ده صوت كنارى حزين
ولا ده صوت من الجنة ؟
خدنى فى جناحه سجين
ما قدرت استنى
هو بلون الشجر ، نبراته تشجيني
يرعش فؤادى
وكل ما افتح بالانتظار شباكى ، بييجينى
يزورنى ، وينقر على بابى
فكرنى باصحابى
الى سافروا من زمان ، راحوا
كان للوطن منديل
.. ولقلبى أفراحه
جراحه بتسافر وتمدى فى المغنى

ليه يا شجر يا مزهزه الأوراق
تبعد .. وما تساعنا ؟

● ●

يا صوت ملان بالمشاعر
بين الزمان ضعنا
وف كل لحظة نزيد فى أوجاعنا
ربيعنا راكب حصانه
معدى ع السكه
شفته بيمضغ لجامه
وشارد الخطوة
مكسور جناحه ، ما عاد خلان ولا سطوة :

● ●

فكرنى بيه الصوت الى دافى بالمشاعر
ولقيت قمرى منتور فى صدرى حاير
وجهى الفريب
يقابلنى فى الحوانيت
شنطة هدومى
وتذكرة ، والبيت
فكرنى .. كنت نسيت
جوه ضلوعى الفناوى جدورها مخلوعة
وعلى الحيطان الصورة منزوعة
بلا ملامح .. يوم غريب الخطا

بلا بداية
وسما نجومها خالعة الغطا
أبدان تفتش عن خلاص للراس
نفوس بترمح في البراري بعيد
وف جلدة الكراس
مبلولة ، وسطورها حبر ضائع
صاحبي .. ياللي انت سامع
نقرة الكتكوت
الصوت .. فتح طاقة لضي ، وماله زى
يا قلبي شلتك تقيل
ونسيت كل اللي فات
وصاحبت كل اللي جى



وهو في العانة بيستناك
ونداك .. وصل له .. نداك
بيشرب في كبايته الحليب صافي
خايف انخ ، واميل
وانا شلت كل الطوب على اكتافى
ماشى وباتساند
ماشى وباتهجى حروفي من تانى
هجرت بيتي ، سنكرت دكاني
شجري نسيت ضله

والنيل نده لى ، ما روانى
آه يانى .. من وحدتى يانى



كتابى شاله النخيل
.. وقت ما كان نامى
دفتر ملان أسرار ، وخبثته
كل الرموز فكيتها ، لكن حزنى مانسيته
هو واخذنى معاه لسفره البعيد
نوافير من الدهشة وم الأفراح
(رماح فى ضهر القبيلة
وف صدرى تطعننى
الليل قابلى ، خدنى فى وشه
لابس رداء الفضيلة
ماسك فى سيف الاحتشام
ورد الجنائين دبل
قلبى برودة الرخام)
الصوت قابلى ، ومن تانى
هجانى كل الكلام ونسانى
الطعنة ، ومرارة الحياة ، جوه الخيام
سما بتبرق بأزرق ، وقصدانى



ده صوت أليف ، وحببته
كشفت لي كل اللي كان مستور
خدني معاه للنور

ماقالشي - في الرحلة - انه شاعر بخوف
وبرغم انه عدى الحواجز
وهده أسوار الكسوف
فباحس انه طاقة تنور دروبي

وتزيح غروبي
وتشد قرص الشمس يعود تاني
يبقى أمل وابتسام
.. ويصير أغاني !

١٩٨٨/٥/٩

(١)

مش بابكى موتك
فى غربتك بعيد ع الوطن
قدما اسأل بارتعاش
٠٠ عقارب الساعة ٠٠ عن زمن
يفوح فيه القرنفل
تقل المعن
لان ما فى فرق
فى انك تموت فى نجع بالمنصورة
أو على رمل خليج عدن
الجسم فى الحالتين
هيسكين للكفن
والفاتحة تتقرا

والمشيعين ..

.. يواسوا بعض فى انقباض
وبكلمات مبهمه

فلا اختلاف اذن .. انما

ليه القلم الى حب الفلاحين هاجر ؟

نهشت لحمه أنياب البنادر ؟

هل لان السيسبان خان ؟

هل لان النيل المستحى هان ؟

أم ان ده ما صارش الوطن الى حبيته

وجوه قلبك الرهيف خبيته

وكنت انت ليه بيته

ولما مال بعوده الفارح

وانطمن .. بكيته

وغنيته : بندقية .. وصارى

كباية شاي باللبن

وانت بعيد فى عدن

لا اختلاف اذن

قمت م النوم

شربت سيجارة ع الريق

وكانت النتيجة مقطوعة ورقة ورقة

.. وحاسس بضيق ..

لان شجر الكافور عايزك
وان ساقية عمك
ومصلية خالك وحشاك
كل شيء يربطك بالبلد هناك
وانت هنا : في ايدك الابريق
لكن الريق .. ناشف
مهواش الطريق
ولا الشجر الي قطفت زهوره
وغرسته في شعر فاحم خطفك معاه
وصاحب مسكت في خناقه .. خاصمته
وقبل انتصاف الليل صالحته
وسهرت تضحك معاه
(الشجرة تموت ان خوخ الجدر
والأغصان تصفر !)
وانت حاسس بانك غريق
وأدهم الي مدحته حاد ع الطريق
وحوافر حصانه صارت حجارة
بتتاكل معاني الشعر
وترجع بضرها الحضارة
وخالك .. بيقابل قاتل أخوك
وعدوك الي غرس خنجره في ضهره
بيتقال عليه ابن عم أبوك

حسيت يا نهم باعوك
وبرغم انك مش مشارك
فندوب كل المعارك
تألك

بتستنى كلمتك
وتفسر حلمك فى عز الضهر
ماكانش قهر

لكنها أعلام بيضا
سودت فرحتك بالرجوع
ولانك مش واخذ على الركوع
مش معوداك قريتك على الانحناء
كان الانتهاء !

(٢)

مصارع فذ ، ضد الموج والمستحيل والعدم
ماكانش رحيلك ندم
لكن جدوره شجر الدوم م الجنوب
فروع عيدانه بردى الشمال
بالشارع يفاخر

ع المصطبة للذكريات يتاخر
هو الطمى راحل
وحرس الحدود رافعين بنادقهم
هل شفتهم

مفادين خنادقهم
فاكين جنازير دباباتهم
ورادمين الحفر خلف التباب ؟



الشعر له باب : واحد
.. ياخذك لحضرة الوطن المقدس مصر
انت قعدت معنا فوق الحصر
قرية ، وقلت الشعب ماينهزم
غنيت : العلم ما ينقسم
والحصار عايز صمود مش فرار
واحنا بنجوب الحوارى وتحت باطنا القصايد
ماشيين بنتساند
والأزاز أزرق ، بلون غامق ومش فاتح
ملت وهمست : ليه يا وطنى تسامح
العود النى الضعيف
ليه يكون الخريف
أطول فصول العام ؟



فى ذلك اليوم خرجت مع البنات للشط
والأزرق - ميتة - بتفكر
ولونه من جوه بيعكرك
تهز الفكرة ، والمعنى بيعكرك

لكن الصحاب صاروا فرادى
من يوم ما خلعوا الخوذة ، رموا البيادة !
أنا نفسى أرجع بس خايف
•• ان بيتى ما اعرفوش
أنا نفسى أعود بس هايب
•• ألاقى انطففت كل الشموس
أحسن لى أعيش فى حلمى المستحيل
انى اهدهد جوايا نهر النيل
ومشية المصرية : كوز الدرة
غبار القاهرة
واصحابى فى دمياط •• والمنزلة !

● ●

أخاف ، ارجع ألاقى سكات
رمادى ، كثيب ، ونجوم زرقا بلا استحياء ••
وهنا •• يكون الانتهاء !

(٣)

هل أرد الباب وابيكك ؟
هل أعود نفسى ع الحسرة والغياب ؟
صفوف المحاربين فى زحف نحو الشرق
باكتهم فى قلبى رعشة الانتخاب

● ●

كل ايد ما تخفى القلم
كل مدفع ما يخبي الماسورة
مادريت باليكما في حضرموت
وما سمعت العويل في دروبك يا منصوره
خد بايدي يا صاحبي
شاور بصابعه ع الشروق
الضيا مدنه ، وخنجر ، وابتدا ، وبروق
أحلام بتروق
وأوهام مقبوره



مش بابكي موتك
لأننا جيل كله أحزان
أرض داست عليها حوافر كل اللغات
وباقى يا انسان
السلسلة مكسورة بحرى البوغاز
ومراكب الغازين بتتمخطر بزهو
يا زهور محنية بقهرها
وخيالة شاغلها اللهو
الأرض مستنية وبكاها قل
والتمر صار طعمه خل
والقمر أصبح في حل ..
.. انه يوهب الشعرا كلام رومانسى

الحنين للبنات الى رموشهم سهام منسى
الارتقاء فى حضن الشجر ترف



ايه الى خلى الأبدية أسيرة
ده مش لان شاب انخطف
شاعر ، والهم بشكل الموجة طواه
الحزن وصل لمدا
والابتئاس انحنى فضا للبيوت
مش أدهم الى بيعكوا عنه .. تحت التوت
لكنه احنا : انت .. وانا .. وهى
الوجوه الى خاصمها الفرح
.. لابسه الحداد زى ما هى ..



فى كل مطلع نهار : أفرد جريدة الصباح
ودمعتى تفر كالعادة
كياية بنور : جواها قهوة سادة
وقصاصة فيها الخبر
والينط أسود ظهر
نمل مراوغ صغير
أنا باستجير
م الموت الى قاصدنى أنا بالذات

أنا يالى ماسك قلمى لا اهتز
فوق رقابتي الحز
وفى انتظار اشارة لجل الرحيل

● ●

كل عام وانتوا فى سلام
يا شعرا يا صحابة
فى كل يونيو حزين
ياكشف مكان الاصابة
أورى الجيران نيشانى الصفيح
يا صاحبى
يا لى ابكيك فى الغربة ، يا ابن الريح
وابن الريف
وابن الجيش الرديف !

● ●

الحزن لا يمنع حلمنا .. فى انه يبيزونا
والحلم لا يجعلنا فى ليل نفوت دورنا
سن القلم فى وش العدو مرفوع
والانتحاب ممنوع
والارتماء على عتبة وطننا
نمسح ذنوبنا بسورة الدم
ده شىء مشروع
ده شىء مشروع

١٩٨٧/٧/٢٩

حكاوى أرضنا الكتومة

- الغنجر
- البكا
- الحرف الساكن
- الجذور

يكا الرضيع فدان
والحزن توب فضفاض
بالعن خطاوى العجز .. والتلويع
ما أصعبك يا مغاض
تايه فى دكاكين الزمن ، والريح
الطفل عدى الضل ما اتبلش
الشيخ يفر دفاتره ، ويراجع
خبرانة حساباته النهاردة
.. وبكرة بمكاسب
تتفك مسامير السفن دايرة
.. وتتراخى القلوع
الرحلة صعبة
محتاجة للقلب الجسور .. الشاب

أفارس شجرتك
ودب قدمك فى عرض الغربة
.. واتعلم
حصانى مرجانى الجسد والصهيل
بكا الرضيع عدى وواصلنى
وانت يا ضحك باخد يدك العاجزة
ما أصعب الأيام أن كات جروح ونحيب
الصدر مفروود ، والسكك كافرة
ومصباحها كئيب
الانتظار ماسك صينية ودائى ع البيوت
يسقى الرجال الرعشة قبل الموت
الشهقة مكتومة .. الخلاص
.. بكثر شعر الرأس
بندرة ضحكنا المخروس
انزع يا صاحبي الخنجر المغروس
القلب دامى .. والأحمر
.. لون الشفق والدم

● ●

يا عروستى ، قومى ارقصى ع البساط
حافية القدم ..
.. عريانة الا من ألم شفاف
دورى ، ولفى ، غنى ، قولى الآه

ما سكنى من شعر راسى لحد ضفر الرجل
قومى ، ابعثى للشمس تطلع لما انتضاف الليل
ارمى الشعاع براق
خضرة الغصون ، ومفرعة الأشواق :

« عطرك حزاينى
عينكى فتنونى
قمرك غزال
والمرعى زاتونى »

رشى مياه النهر ع القاعدين
رشى الغضب ع الحجر
جوه البيوت مساجين
جوه المدن أصنام

عديت بحيرتك . . خدت نورسك حارس
خطيت جبال ، شमित غبار المنجنيز
وغرست شتلة أرز

باعنى النخيل منجل
أدى الوطن تايه
وأدى الولاد انحف من الأول
والابتسام ضايع ما بين الشفة والحاجب
جانا الربيع راكب

فرسه رمادى اللون والخطوة
ما بين شقوق الحدوة ، نبتت الفنوة

ارمح وجوب الأرض ولدها
مالت بسواقئها النخيلي اللون ..
.. أجرى وسندها
يا طفلي لا تبكي .. لا تبكي
دايرة الليالي ، وجاية بالمرغوب
هي النهاردة تلف بالقلوب
وبكرة لما الصهيل يكثر
نغنى فى مواكب

● ●

بعت لصحابي
كل اللي شفته فى البرارى بعيد
وأدى الخريطة بتنقص مدن وعمائر
أدى السكك بتضيق
.. صاحبي حريقة سجائر
شاور على الأوراق وفهمنى
نفخ فى بروازه بانث الصورة
سكت وبص بطرف عيونه جوايا
رجع وكلمنى
بكيت .. اتقلبت الآية
وانا فى المدن نبتة غرسها المطر
على سطح بيت مبلول !

● ●

ويا ريت يا وطن تنتفض
ويا ريت يا قلبى - يالى باقدر عليك - تنقبض
تدفع دمايا يملئ عقلى وراسى بالواجب
آدى عروستى بترقص بالقدم حافية
أجمل جوارى السيد السلطان
أعذب بنية .. أجمل صوت

وآدى القمر ييموت
وان قلنا انه القمر
فما نقصدوش بالذات

تبارك الى نصبه فى ميغاده
قبل الفانوس ما يشع منه الجاز
ويعتم السكة

احنا نقصا فى العدد
ولا الغناوى الهزيلة ، انكسفت ، اتوارت ؟

واحكى لصحابى حكاية الدبة
واضحك من المعنى .. وم الألفاظ
يموت أعز اصحابى بالسكته

أعطى جسده بالأوراق
واحاول ابكى
دمعتى ماتجيش !

(١) بعد البكا ما عدى ضلم حكايتي
البحر شيع نسيمه .. الصيادين دبدبوا
واحد يتيم الأب سرقوا مركبه
الأم دايرة بالمنادى ع الشطوط
تدعى الخراب يسكن بيوت النور
والاخطبوط
لف وخنق ندهة خلاص
اتلفتوا .. قلبكوا والرصاص !
ده انتوا الغريق شفتوه
بكيثوا فوق راسه ، سبلتوا عنيه
البحر غنى
.. الموجة فوق رجليه
صابعه الصغير شاور لكم ع البوغاز

اتفجر ابني الصغير عياط
حطت مراتي ايدها على بقه
مات .. والصوات
غرف الحصى والودع والآهات
شفت الزعيق شق الصباح البكرى

قطع الشباك
اياك يا بحر تنوح
اياك يا بحر اياك

اياك يا صاحبي تدمع
اكنتم في حزنك
صلى للمشمس خضرة تعود
صلى الألم يدبل
والمركبة ترجع

لحضن أم وطفلها عطشان
على صدرها .. اتدحرج الرمان
أنا ابنها ..
.. المتباع في سوق النخاسين
الجرح والسكين
أنا السؤال .. الصحرا والبستان !

(٢) في الشعر ابوح بالألم
في الشعر انسى ، وافتكرو ، وارتاح
الشعر بلدى المستباح

والضلمه قبل الصباح
سهيل وخيل مش نواح !
جدور التوتة ضاربة في الجنينة
نينة تحكى : الغول
ماجانى نوم
ولا وهبنى الكلام الناس
اتلفتوا .. قلبكوا والرصاص
كتاب حبيبتي لازال مفتوح
صدرها متعري ، آه ، والبوح
على صدرها فجرى
من بدرى يا شعر ابعت حروفك
واستريح فى الترانيم والعيون
حلمى الفسيح ، باشوفه يملأ الكون
وحلمات الأمل بتدوب
تكون النشوة ويا الجنون
أمشى السكك وحدى ، لكنها بتضيق
شاور لنا ع البوغاز غريق
اغنى ، ابكى ، اغنى
يحضن غنايا النهر ، والابريق !

● ●

(٣) قال لى البكا ممنوع
مركب قلوها اتقطعت م الريح

باعدى فى المنوع
زرع الأراضى شحيح !
خطى حصانى ، داس بالحوافر ع الكلام الفصيح
ضمة وفتحة وسكون
يا جرحنا فى القلب ، يا همنا المكنون
والله افكرتك بالحنين المعجوز
الآى بتطلع ، واللسان مجزوز
بتضيق شوارعى ، والبيوت تصغر
النهر غاض ، لا طمى ، لا رققات
خلعت حبيبتى التوب
وغاصت فى القرار . . لحظات
النهر فاض
عديت لحد النخيل
شالنى الحنين والبراق
آدى مقام الخليل ، والمنبر المحروق
آدى جناين الجليل ، والمصحف المسروق
الجرح يوسع والآهة ماتنقال
وبتنشلق يا هلال
وتعض ع الشفة
دايرة كعوب البنادق
وسلاسل المساجين
لافف علينا الدور
مالك يا مهرى : الحصا مبدور ؟

آدى البكا بيدور
الشأى ف ايدهم ، والدم يبقى مهور
اتلفتى ، عدى ، تعالى فى حضنى
الليل وعدنى

الجرح كان شريان
صدرك قبب عالية
شعرك شجر سيسبان
عنيكى مصلى وسبيل
دارت طواحين الهوا ..
.. اتعلقت بالأوراق

بتلف كل حروفى
تتغير معانى قلتها ، وتكون
قمر فسيح ، وزتون
جنة بلا ملكين
اتمطوحت جوه العيون دمعاتى والأحاسيس

قطعنى سياف الملك فتافيت
شايف ايزيس بتفوت
وتلم لحمى الدافى جوه تابوت
بتلف نص الليل ..

.. وبتستريح تحت شجرة توت
لمى فى أشعارى ..
.. وسيبى الجثة للغربان

يا غربة الوطن الجريح ..
.. يا ويله ده السجن
ياما نفسى تنفضى الکتمان !
ياريت تبوحى ده الحبيب بيموت
أنفاسه لو تنسمع
يبكى الشجر والبيوت
تبكى عليه ربابتى
بعد البكا ما عدى ..
.. ضلم حكايتى
البحر شيع نسيمه الصيادين دبدبوا
واحد يتيم الأب سرقوا مركبه

١٩٧٩/٧/٢٧

اتحرك حرفي الساكن
واتمكن من ألمي ودمي وحزني الجارف
واتألف ويا مسامير الصلب وصهاريج البترول
واتمرغ قى الحول
بالطول والعرض
صلى الفرض ، ورجع البيت اتعانق ويا حريمه
واتمسكن لما اتمكن
واتغابى ، لمس اليا بس
أصبح أخضر من ريش العصافير
•• وضروع البقر الوحشى
وازأى احكى لك
وانا طابق رمشى
وانا بين قضبان ليلك مكسور

مش قادر أمشى
وانا شايلى نعشى
فوق أكتافى وماشى فى توارينك
الدم على صدرى بيسيل
ويعمر مية نيل أسيان
مليان شهدا وقماقم ، توابيت ، جدعان
وزفير أنفاس نهجانة
وهجانة طايحة فى المخاليق
دايسه الزرع الاخضر فى الأرياف
أنا جعت ف لفى قاسمت الناس ..
.. العيش الحاف
دقيت ابواب سنكرها الخوف الأعمى
أنا من غير أم ومن غير عم
ومن غير جد ومن غير خال
باتخايل الحارة مقابر ، تعاويد ، خوص
وحبيبتى ساكنة العشة البوص
بتفوص فى كتاب الحكمة
الآكل نصه العتة
ومعشش جواه الدبابير
وباطير
أبعد عن فضة قمرى المسكوبة بضى
تشتالنى ارواح شهدا الطالعة لفوق

القاتل مات ، والمقتول حي
ويمسح تعبي المطر النازل
على وش مدينة خالية م السكان
أنا ضد « اللاكن »
وباخاف أبكى أو أضحك ، وبادارى
باتفكر جارى
النازف دم وحقيقة
باسكت ، وابص لضى القناديل السودا
بازعق واجيب من صوتى قرار
الباب اترد ف وشى
ايدى فى ايديها جوال
موالى غريب الألحان
التتر ، الفرس ، الروم
الجارية كاتمة أنفاس الخبر المشئوم
وتبص بنص العين للعسكر
للملك الميت حسرة
ولفيض النيل بليل
وصليل كام سيف
وحراب مرشوقة فى زهور بتفر
بتلف فصول الأعوام
يتغير فى أسامى الحكام
وابص ..
.. حراب مرشوقة فى زهور بتفر

يمر القدم الفاصب
يشرب من مية يتهرى الجوف
والهرم الراقد فى الصحرا لعناته ذليلة
ما بيدك حيلة

يا نبتة بتشقى الأرض الجردا
وتشوف الحاصل والمكتوب
وصل الحاكم مكتوب
ممهوور بالامضا وخط غريب
أفراس النهر بتقلق نوم مولاي

مولاي متضايق مولاي
آى .. آى .. آى ..
الحربة انفرزت اكتر م لازم
الحربة لامست قلبى الدامى
قدامى ع السياف
تنسمع الآهة غبية ، وجبانة
يزداد انفاس الناس الساكنة الجبانة
ويتجرى العجلات
تجرى ناحية أواريس
الشمس الدافية الصافية تحمر وتزرق
يبرق ع القورة عرق
ويعود فرعون
ويمر الموكب ناحية « طيبة »

باعشق طيبة سكانك
وعشانك انا باوهب عمرى لبكرة
بكرة ربيعه مش مهجور
ورسول تانى متحمل بالمسك وبالعنبر
وحرير ، وجوارى ، وخصيان
الترتر داير مايدور
ونهود ، وآهات
انداست تانى ف نص الليل
وسكات
وتقوم من تانى تعيد الكرة
الفجر بيدن وحبیبى ما صلى
ده حبیبى اسمه على شاهد مغرور
اسمع فرقعة الطلقات
واتحسس راسى دمی سیال
أعلى فوق الاكتاف وازعق
بترد على الشبابيك الخالية
• • وابواب الدكاكين
مسكين يا ندا مسكين
شقيت الصمت ، وخذعت الحراس

• •

ايدى ف ايديها جوال
أنا عندى قيراط م الأرض ونخلة وساقية

وجاموسة حلاية
وغابة م البوص
منديل متطرز خيطه حرير

● ●

اتعشق الصعب وحزنى بقى له روافد
ورميننا ورا شهر الأيام الوارد
أتغابى ولا افهم
أفهم واقول
هتقولوا معايا
.. ولا ازعق وحديه واروح
ابقى بلا روح !

١٩٧٩/١/٩

بلاد الزهو والأمجاد
بلاد القهر والجلاد
تفرد حصيرة الصلا فى اليوم خمس مرات
وماتستحيش اليوم يعشش يم قبلتها
وما تستحيش الدنس يعكر صافى ميته
دى بلاد غريبة
قمرها رمادى الضى والطالع
أنا اتصالحت مع المخافر ، والشوارع
.. قلقانة م الألم العجوز البارح
مد ايديك العنكبوت ، ميل براسك ، اتصالح
وصالح كان نبى ماتهشى فى الصحرا ..
.. اربعين عام
ولا رمى السلام لضو النار فى العالى

أنا ابن خالى ، جانى المنام
فتحت جرنان الصباح لاصفر على صورته
قصيتها ، حطيتها خلف بنورته
وكان مسرور بيصرخ فى الشوارع
يعانق المخاليق بكفوفه متحنية دم القتلى
ممر متلا

جنزير دبابات ، دياية
خطاوى عاجزة ، كلايش صخور ، وأنين
مهما السنين بتبور ، وتعجز الأيام
بتفضل فى عروق الثوانى ، طعم م الرضعة
ومن حليب الام !



كفى وضعته فوق عنيه العجزة ، ومشيت
نفس الشوارع
النكتة ، طعم الشاى ، والنبيت
منكر .. لكنى لازم اجارى
سندت كفى على كتف جارى
أفرح يا قلبى بالمنظر
واترج رجة بين ضلوعى
رقصت فى الدائرة ، دخت ، غسلتنى دموعى
كفكف لوعتى يا انتظار النهار
يا صبر الشعب مش أيوب

يارص الطوب فى المدن
والصخور فى السد
نقش الحجر للملك
ندهة المساجين لطير أليف
خريف بلا ألوان طيف

ربيع بلا أشجار
أطفال بلا ضحكات
رحلة لقرص الشمس من غير زاد
بلاد الزهو والأمجاد !



يحكى الهرم
ع العجز والهرم قبل الميعاد
ونحكى احنا يا أطفاله
عن معارك وهم ..
.. ننحتها على الجدران بضوافرنا
احنا اتقتلنا فى نية جدنا الصافية حليب
احنا اتشنقنا ..
.. على باب زويلة .. والكلايب
تعصر كموبنا
تدمى مواويل الصعايدة المنهوكين
بلاد غريبة

مالهاش نيل ولا سواقى
لا طواقى فوق الراس
ولا هدوم كتان
بلاد السحر والكهان !



بطاقتى منزوعة الصورة
خطوتى فى الرحلة مبتورة
يكفانا غربة وسفر وبعاد
بلاد القهر والجلاد !
فوق الكتاف الحمل زاد
.. سنايك الخيل تدوس الحشا

تطوح الساييرين
احنا ابتدينا منين ؟
يا هلتري الصبارة فى الفلا ..
.. والنجمة فى الأمسيات ؟



أنا ابن خالى الى مات
كان بيعب ويغيبى
يخاف النضارات السود ، بمنظرهم الحنضل
القلم الجاف ع الصدر ، والصندل
كانوا يمسوا عليه ، يضحكوا ف وشه

يقطب جبينه ، تتصلب ايديه على الأشعار
بافتح عيوني عليه
يرقص برغم الرمح فى ضلوعه
برغم غربته وجوعه
أمه لازالت تبكى
وحبيبتة لابسه السواد ، والنوح
لازلت يا نوح
•• تنادى ابنك الكافر
قبل الطوفان مايهدم الصروح !



اتبدلت لايام ، وباقية الوحوش
وتبدلت واحنا مانتبدل
ولا صدر محبوبتى صار بيتهدل
ولا الشفايف جفوا م التقبيل
حتى البكا بين ادرعات الشمس ما اتحول
آتون •• أيا آتون
الطيب على جسدى ، وبصات العيون
آتون أيا آتون
يا ضحكنا المسجون
لقمة ولادى من غير غاموس
رغم المراعى فيها الجاموس



باجدل ضفيرة طفلتى ، واعلمها
اسامى شهور السنة عربى ، واناولها
آدى كتابك هو الى تقريه
من الجلدة للجلدة تقريه
شجر النخيل رطبه حيانى
يا نقش حنة على كف العريس حيانى
ركبت عروستك هودج الفرحة
واحننا برغم الألم قادرين نغنى معاك
نص الدماغ يتهز طرب
والنص بيفكر
- لما العيار يتطلق -

فى الهرب !
عدونا .. عدونا ..
وقيدوا فى الدفاتر
وسجلوا ع الورق
عطر الوطن بيفوح
بيبوح بكل الدهشة والأسرار
تصدح طيور العشق على فتح الهويس
ودفقة المية ع الزرع والأجساد
النار دى جذوة فى الرماد
صعيدي كانت ضحكته أبنوس
طارد جيوش القهر والهكسوس
يا بحيرة ١١ مقدسة

فكى الطلاسّم ، واغسل وشی
جواكى هامشى
داخل اصلى العشا
آدى سنايك الخيل تدوس الحشا
آدى ديبب الحسرة والتقتيل
الدم بیسبیل
جوه شقوق الحراجی قبلی النهر
فی کل بیت شباك
وف کل كومة رمل
غربل : نكون ، نبقی ، بنفضل ، نجود
تراتیل الخلود – الطمی – شجر الكفور
الضحكة للعیل
والسونكى للجلاد !

١٩٧٩/٧/١

- | | |
|---------------|--------------------|
| خطاوى البدرية | • خطاوى |
| | • طلقه |
| | • أغانى حب من مايو |
| | • المطبعة |

يا مين يشيل عن خطوتى التوهة
ويكفن الرعشة
ويشيل من العين الألم
ويشيل من النيل الخلاص
الى اترمى رمية قتيل
ويبشنق النخل بالتمر الرطب
ويبطرخ الشبارات فى كمورة الجنب
ويرم عضم فلوكة كسرهما الحجارة ..
والحشف ..
ويعيد لميتنا النصف
ويسكر العنب الى حصرم ..
جوه تكعيبة الكفور
ويغلى دم المركوبين .. يغلى .. يفور

يامين يجرى دمنا المهدور •

•
ع الجسر ماشى وخطوتى ••
•• خطوة ألوف فلاحين
•• سارحين وزادهم ••
•• الكعوب المشقوقين •• والجوع
والمغنى فى البق الحزين موجه
: احنا الى نزرع - يا آبا -
واحنا الى برضه نجوع !

•
ع الشط ماشى وفى العيون صارى
سارحين بلادهم :
(بحرئ ده دارى)
كانت غناوى كتير بطعم ميتهم
شلت نغمها الحزين فى القلب
•• وكأنه ميتهم
وقفت اسرح شعر ريح البحر
نعكش شعورى •• وقمنى اتلوى
اكنى عنه غريب •• مش راضع النسوة
يا مين يرشق صبرهم
•• فى ضلوعى من جوه !
فى فلوكة راكب والمدرة فى ايديهم

فى الطين .. وفى « الزقيم » ..
الى لف حواليتهم
المدره بنت البحيرة
.. وبنت لكن زان
خضرة خضار الطير الى رف
فى « حوشة » الجدعان
كما عود الرجال فى المية ما بتنخ
رخ المطر فوقينا .. رخ .. ورخ
غنى العيال فى الفلايك
غنوة وردية
كلفت فى رقبتى النحيلة كوفية
عري العيال صدورهم
تفت عنيتهم عليه
مسحت بصتهم من ع الجبين بالكف
ويامين يعيد العروق للكف !



رحت المدينة اتسمرت عينى على البتارين
شارع مسفلت بالنيون والطين
عقب سيجارة مستنى كوز .. وايدى
راجل بنضارة شاورلى وقال :
« انت الى ليك المجد »
وادانى نجماية

تضوی ادهالی بکف ما ینخافشی
ولع سیجارتہ ومشی ، وف جیبہ کبریتی
یا مین یدله علیه ویقولہ :
انی نسیت ویاہ : اسمی ومکان بیتی !



کات الشوارع وحل ۰۰ ناسها معکوکین
لفیت دنیا ومدانی ۰۰ وعرفت خطوی منین
وباغنی غنوة شروق :
« نفسی تفوق حارتی
وارمی هموم حیرتی
واغسل شقا الأیام
وامسح حظوظ قورتی »

۱۹۷۲/۱۲/۲۳

(١)

يا صدر ريفنا ليه ما بتساعش الغنا
ليه ع الشجر بتموت عصافيرك ..
.. وفى الزور النغم
بتموت وفى القلب الوجع
بتموت وفى العين قطن اتباع ..
.. قبل نبتة ما يتزرع
بتموت وفى الحصلة الشعير
بتموت وريشها فى ايد غفير
خاف زقزقتها تكون فرح
طلق الغفير الطلقة جت فى الحنجرة
والدم سقط حنة .. واتخض الدرة

واتلونت نواره البرسيم بدم
يا صدر ريفنا ليه بتسكت ع الألم ؟

(٢)

يا أرض يا ام الغلة مفرودة
دى مهرودة خطاوى الفلاحين
المسنودين على توتة مايلة مخوخة
بلغ الحصاد الدين ..

.. ودين طه الرسول
ما فى حاجة شافها الفلاحين
فى الأرض بتفرع
.. شافوها مزرعة غير حزنهم
يا فاس كده ؟
كده برضه تشفط دمهم

سقيت يا محرات العرق
بقعت مغناهم غضب
» يا أرض ولادة .. وسداة نهجنا م التعب
يا أرض حطى الفيظ فى عنقود العنب

وسودى يا أرض لوزة القطن
.. خليههم عرايا زينا
مادام نلم الغلة ياخذوها ..
ويرموا لنا القش وعيدان الحطب

ليه تستحمى بالتعب
وتحبسى الخير عنا وتحوشى الذهب
ونشوفه أوراق حمرة ..
.. بتخرفش فى جيب البهوات
بنشوفه فى البدل الى مكوية ..

.. وف سيف الياقات
ونشوفه صيغة متلتلة فى دراع حريم
« يا أرضنا .. طب لو سكتنا
ع القديم ؟

(٣)

مرتوى يا نخل ولا زى كل الفلاحين
زى حسين

الى مراته صابحة م النجمة تقش الفرختين
وتربط البطة الى لسه موسعة
لجل ما يشبع البندر وتتشد البطون

« يا مقسم الأرزاق ..

.. عنينا لاهى فارغة ..

.. ولا كنا مرة دون »

وسمها برضه علينا زى المبسوطين

شايفنا بنموت فى السريس

وصدورنا كاويها البصل والمش

بايعين الحيوان

يارب لاهو اعتراض
ولا مشاركة .. بس يعنى افتراض
كان يجرى ايه
لو كانوا نسوان البنادر
ييجوا ويبيعوا حيوانهم عندنا ؟!

(٤)

اسكت يا شيخ
اخرس ده قولك نهر ما بيعرفش فيض
مين يسمعك
.. ويحط فى حجر الغلابة
.. كيلة م القمح .. لو انه يوم يفيض

اسكت يا شيخ
طب ده النفر منهم بيدينا عرقنا
وزى ما هيكون يبيض
اسكت يا شيخ
ده الطين قرصنا .. واللبن جوه الضروع
اسكت يا شيخ
طب ده النفر مستكفى جوع

(٥)

آه يا شارف الفلاحين
راحة وجاية لمن

دى الغلة مغلولة

بيستفوها خزين

آه يا شارف الفلاحين

اتهزى هزى فى المجى والرواح

تكشيرة الأرواح ..

.. وتقطية الجبين

آه يا شارف الفلاحين

١٩٧٠/٣/٥

(١)

وكأنك وسط هذا العالم المجنون
جناح عصفور
وشباك تدخله الأحلام
وتنهيدة حنون
افتح عيوني عليكى
يبهرنى الضياء .. وترعشنى الظنون
يا هلترى يا طيبة القسمات
مفاتحك غنا
.. ولا بكا محزون ؟

(٢)

ويرجع لى السؤال الى طلقته

بلا أنغام
بلبل حجر بلا لسان
عطشان

أخذه فى صدرى
وادور به فى الأراضى السبعة والسموات
أتاقل قدمى يمكن اسمع صوت

أغنى .. تبكى ورايا البيوت
أسأل حبيبتى ولم ترد
أنا القتيل ولا العالم الى بموت ؟!

(٣)

هل بحتى بالأسرار ؟
يا خجلة التضفيرة بحتى بالأسرار ؟
هل شفتى عصفور الغنا الفضى ..
.. بلا جناحين ؟

دقيتى بالقبضة الطفولية البيان ؟
غنيتى للبحر الى بلا شيطان ؟
وعزفتى بكمنجة مرخية الأوتار ؟
هل أخبروكى فى المدينة بالقوانين ؟

هل صفحوا كتبك ..
وبالصوابع نقروا لحم الجدار ؟
لا انتظر بوح

ولا كشف الجراح ولا نوح
أنا فى انتظارك ..
يا نيلية العينتين .. نكمل الأسفار !

(٤)

كنتى تمرى وسط القوم
مهرة شاردة
.. تطوح الأصنام وتقوم
بعد ما تعدى الدروب
يدمى الحصى الأقدام
وتشرقى أنفام
ضيك الضحكات وضلك الأطفال
أدى البيوت الى سارقة الدفا
راعشها الفرع والوجوم
كنتى تمرى وسط القوم
أعلق قلبى بالخطوات
.. أتبعك ..
وسط الضجيج أسمعك
ما اتوهشى
ولا تتوه معانيكى فى اللحظة الفيوم !

(٥)

ايه الى فكرنى بقمر مبلول ندى
وشجر بيشتال البيوت على الأغصان
وعشش غنا .. وفرسان
دروعهم القبل

وسيو فهم الأحضان

ايه الى فكرنى .. وكنت نسييت
وقيدت الخواطر ورق ، ومشيت
فى وسط غابة من العبيد الزنجى
.. والأجراس

ايه الى جد وعاد بى للوطن تانى
هل ما تم الحراس ؟

(٦)

فيا بوابة الأحلام .. أوسمى
أرشقى فى شعر الجنائين
.. أزهار الربيع
أنشرى ملابس الأطفال

زاهية التقاطيع
دفى الجميع بالحب
.. طببى المواجه

ويا بوابة الأحلام .. أوسمى

كونى منبت الأنهار
عيونى بستان .. امطرى
مشتاقه للمطر العيون

●

يا هلترى يا طيبة القسمات
مفاتيحك غنا
ولا بكا محزون ؟

١٩٧١/٥/٤

انسان حزين

واقف في قلب المطبعة

وعروقه وجه مولعة

ماسك في ايده حروف كثيرة موزعة

يرصها بايديه يحركها الكسوف

هاين عليه ليغير أوضاع الحروف

والخوف بيغمز له بعنيه

والدمع بيضطرب عليه

وبيرفصه شبح الضياع

« حاسس بان الدنيا للباع والدرع »

صوت المكن في عقله كان كرباج زعيق

انسان غريق

والمطبعة .. لجسمه زى المشرخة

والاش لما يبص ويمد الحروف
ساعتها بياربع ايديه حبل الظروف
ويطاطى يلعن فى ضميره الحى ..
.. مأساة الألو ف ..
ازاى يشوف

يسكت ودمه رصاص سخين
انسان سجين
والمطبعة
قضببان حديد متفرعة ، وموجة جسمه النحيل

والاش لما يطل ويشوف الكلام
بيحكى فى الصفحة الأمام
حادث ميوعة أو غرام
وفلانة عازمة بكرة شلة مطربين

وفى اليمين
صورة لرقاصة بتخلع فى العنين
وع الشمال

نبأ مهم لكل عشاق الجمال
وتحتهم
شئ زيههم !

انسان حزين
سايب فى بيته تلت عيال

ولما يقرأ فى المقال
يلمح ضميره يبصر ليه
وبقوة يرعش له ف ايديه
وبتبلعه دوامة سموها السكات

(القاضى قبل ما يتخلق جوانا مات)
الصدق زعلان م الجدع
بيوشوشه : قول الى جواك اتودع
هى آدى أخبار تنكتب ؟
طب قولى ولمين تتنسب ؟

للرقصات ٠٠ ؟!
للسكر أنين جوه الباربات ؟!
طب هات لى أخبار اليتامى والحزانى فى الحارات
والى قالوها بدون عوج ٠٠

٠٠ ونيموهم ع البلاط
وعن بلاد الحرب فيها والغارات
وال « فيتنام »
فين السلام الى اندفن
وشيعوه من غير كفن
مفيش هنا الا الغرام
وناس بتاخذ دبلومات فى الانسجام
وواحدة استولت على عروش الكلام
ورقصة الموسم الى لسه له عامين

وع الحزين .. الى بيكي على حظوظه السيئة
والتفرقة بين الممثل والممثل فى الأجور
وواحدة ناشئة طالبة فرصة للظهور



فى الوقت الى بلدنا فيه شاب شعرها
وكل يوم ناس ع الكنال
عمالة تدفع مهرها
وتقولها ..
الدنيا من غير ابتسامتك مشنقة
تقولهم : عدوا بنا كل البحور المفرقة
سمعوا الكلام
والبنديقية اتعلمت معنى الغرام
غرام بلدنا المخلصة ..
انسان حزين
بيحرك المكينة بنظام
معلقين على حيطان مصنعه
يفط كلام
ولوحة مرسومة بايد الفنانين
وتحتها امضا لواد
اسمه بيبدأ م الشمال مش م اليمين
والى (الميثاق) قاله فى بابه عن العمل ..

٠٠ وعن الأمين

وصورة لرئيس مصنعه « عبده حسين »

الى فى يوم ٠٠ ما كانش يملك رزق يوم

لكن عرف ازاي هتف وقت اللزوم

والوقت بيلف الهدوم فى حرير كثير

انسان فقير

ساعة ما يلمح صورة للجدة الكبير

بيدارى وشه م الكسوف

ويمد ايه يرمى فقره على الرفوف

يلاقى صورة لرئيسه القديم

واقف مع العامل « نعيم »

أفروله أزرق رغم انه كان مدير

وبيفتخر بالزيت وتشحيم الايديين

خيطة العرق يبلحسه ويحس فيه طعم العجين

كان شهم ٠٠ كان راجل أمير

انسان عظيم

شئ ضيعه

انه احترم صوت مصنعه

ومرة غير فى الحروف

وداس برجله كل خوف
وطلع الجرنان بعنوان كان مثير
أنا هنا اسمى المدير
اسمى المدير !

● ●

أكتوبر ١٩٦٩

آخر نفس

● (قصائد قصيرة)

● ريحة

● جرح

● تراب بيتها

● مهرة

● آذان

● غنا

● خجل

● بلاد

● عيون

● نوم

● نفسى

ريحة الكتب القديمة
.. حبساني
والسبعة بتكر في ايديه المعجزة
الصورة في اطارها الرمادي
.. حاسسها وحساني
وصندوق الصندل عاينه ليوم عوزة



حاسس بان التراب معفرني
ع الدقن صبار وسورني
خيالة بحراب
بتدب على صدرى

وخشب يقطع ٠٠ وجوزة
وقعدة فى التخشبية عطيانى
جواز مرور
للكاكي والغوذة

● جرح ●

جرح الشجر يسأل ويتلفت
جرح الشجر بيعاتب الفيضان
والعشب يصهل فى المكان
والفجر يبببت
مكسوف عشان عريان

● ●

لسه أوانك ماجاش
أدخل لجوه الجذع خبى الضى
لسه الفنا متحاش
وأدينى واقف باضم هم الحى
وادفى كوب الشاى !

●

نقرت بصوابعي وفتحت لى
حست بطعم العلقم مر فى حلقى
قالت لى خد ، وبيع حلقى
ذهب بدمغة ، مايفلاشى

انت تغيب بالسنة
تنسى كعادتك وقلبي ليه ما ينساشى ؟
حطت دماغى فوق ركبته
ريحة هدومها جوه نخاشيشى . .
. . تراب بيتها . .

حسيت بنور انحدف فى قلبى ، وبراحة
وجه خلاه الزمن تجاعيد ، مملئ بسماحة
تخجل تبوسنى
لكن تبوس صورتى فى بروازى
يارب فرح قلبه ،
. . قرب حجازى

قبل ما تنهى دعوتها
لمت شعرها الطرحة
الفرحة .. ما تزورنى الا وياها
أمى !!

● ●

ندى الشفايف ندانى
والعبير طوقنى
خلعت توب أحزانى
يا فرح الحقنى
الضى م النخلة للصرة
ما تقيدوا المهرة
سيبوا بتخب ف نجيلها
فارسها هيچى لها
ده قميصى على كتفى طق .. ما طاقنى
شفت الولد يحضنها ما نطقته ..
.. ولا نطقنى
بص ف مودة وخجل
حط دماغه فى الأرض طاطى

وهى مسحت القبل
مشيت بكتبي تحت باطى
والفجر انفلق ، ففلقنى
ندى الشفايف ندانى ..

.. والعير طوقنى !

ساعة آذان الفجر باتشاهد
أعد أوراقى ، واصلى ، واتنهد
جدى العجوز ..
.. على كتفى يتساند
وف آخر الصف المحه ، راقد
.. ممدد ..
النور فى وجهه صبح
انا فى ذنوبى باتخفى
الكف مايلة ، محصرانى الأدلة
جعان ، فطيرى حجر
ياما نفسى اتحلى

● ●

فتح البيبان طقطقت ، وأنت
العنزة فى ضروعها اللبن جرى ، وحننت
لكن الزمن قاسى ماحن
فى ودانى موج البحار بيزن
هو يعاندنى
.. وانا باعاند
ساعة آدان الفجر باتشاهد !

بكيينا يا امه بملو محيط
بكيينا ع الأرصفة .. وفي البيت

بشهقة حزينة
بكيينا ع اللى فات

وع الى جى
اترحم القاعدين على الى مات
وع الى جى

● ●

نزلت دموعنا نهر جارى
لمحت مركب ، وف قلبه جارى
أبو سنة فضة ، وعشرين عام
حاضن حبيبته بايده ..

• • عينه لقدام
الضحكة بتلعلع ورماحة

● ●

أنا كنت عايز اطلع الشجرة
واقطف التفاحة
لكن عجزى فضعنى
وبصراحة
لما انفردت بنفسى ، لقيتني بكيت !

البت بيضة ..
.. خشت لبستاني
طل الندى طلة
.. ضحكت لي من تاني
البت مكسوفة
لكني مش مكسوف
شربت من ابريقي
.. بقلب عطوف
شاورت ، وسافرت ، وبالقاني
كل ربيع بافتكر
كل خريف أنسى
نظرتها بتاخدني

من الفصول لسه
يا هلترى حسه ..
.. بطعم الخجل
وبارتجاف الثواني
● ●
البنـت وردة بيضة
خشت لبستانى !

نهل يواصل
حزن والغربة !
ته الجميلة عن
الموت والحزن

بلاد بتبعدنى عن أبوابها
القهر سيافها وبوابها
كانت بتربط وسطها ترقص
الطلق صابها ..
فى دمها عامت
.. ومفيش خلاص
الليل برودة الرصاص
وميض النار فى أحشائها
وليد فى جواها
لسه بيتشكل ، ويتخلق
الجرح متفندق

● ●

والصرخة دايرة ، ناقصة الاكتمال

الأسئلة : مشتاقة لجوابها

بلاد بتبعدني عن ابوابها !

السنين من عهد

رؤية الشاعر لـ

الخاصة بوجهه

الغريب له :

- دلو قتي

شيلوا

لسه ا

لسه ا

عارنا

او اننا

جيبتي

وتكتمل

دائرة أسباب

المملوكي والعدو

الطبيعة وعناصر

والعصافير لاتب

الغريب مصوبة

الشعر لسانها

والصراخ . ولث

وحزن - وقرين

الكلام واوضح ا

- كشف

خدني

أجمل عيون عرفتھا امبارح
حدفتني برموشها ما جرحتنني
لكنني من عمري ، وانا سارح
في الدهشة والنني
بيعيط الشعر جوايا
والريح يمرجني
أجمل عيون شفتها
خدتنني حارة لحارة
راحت لحد الشط
قفلت عليها المحارة
وانا واقف استني
البرد يعاندني .. واقاوح

● ●

أجمل عيون ، شفتها امبارح !

أول ما أقوم م النوم
بأهز سرير ولادى
وابص للشمس خلف الازاز
المح جبل الهدوم
.. والبلبل الهزاز

● ●

برد الصباح بيلسمنى
وجه المدينة هادى
بأهز سرير ولادى
والنوم سلطان .. بلا حاشية
ولانى باكره السلاطين
عساكرهم الماشية

فانا بایدی باهزم تانی
لکن ما اعرفش لیه
لسه لحد الیوم
اسمهم مش منطوق علی لسانی !

نفسى يكون كلامى قد القد
لا زايد حبة ولا ناقص
نفسى اكتب عن جمال القد
أنا تعبت من الكلام
•• ع الظلام الدامس

● ●
حاسس بان لسانى حفظ الدور
قلمى فى ايدى بيسبقنى
عايزه فى يوم ياخدنى جوزين اقلام
ويقولى بطل يا صاحبنى كلام

● ●
ابرينى وادينى لواد أمى
جايز يجدد دمي
أو يغرسنى فى وش الظلام
« كتبت هذه القصائد مساء ١٩٨٨/٦/٥ »

قراءة في هذا الديوان د . مريم الحيار

(١)

صاحب هذا الديوان شاعر من شعراء الجيل التالي في دمياط هو سمير الفيل ، الذي ولد في مدينة دمياط عام ١٩٥١ ، وعاش حياة أهل مدينته ، وتربى بين أهل هذه المدينة في فترة كانت مصر كلها تصعد مع ثورة يوليو ١٩٥٢ ، وتشهد تحولاتها المتعددة . فكان سمير الفيل نتاج هذه التغيرات التي أحدثتها كل التحولات الاجتماعية والاقتصادية خلال عقدي الخمسينيات والستينيات .

ولا عجب أن يساهم سمير الفيل أول مساهماته بكتابة شعر العامية المصرية عام ١٩٦٩ ، وأثناء حرب الاستنزاف . ولا عجب أن يشترك في مسابقات الأدباء الشباب التي نظمتها منظمة الشباب خلال عام ١٩٦٩ ويحصل فيها على شهادة تقدير . ويخرج أول دواوينه في سبتمبر ١٩٨٢ ، وهو ديوان

أشياء الخفية
الخسارة ، فهذا

دوم ٢٠٠٠

القصائد فقد وض
خديعة ، ودع ،
هي : حبل الغس
في الثالثة أربع
صوت ، بكائية
هي : الخنجر ،
الخامسة أربع قد
مايو ، المطبعة ،
هي : ريحة ، ج
بلاد ، عيون ،

وقد حاول
أعنى أن تدور -
ويأخذ عنوان أه
القصائد في حقل
يبدأ القس
« ضم النخيل »
داخل الديوان كذا
ومظاهر الطبيعة
الشفيف . حيث
متعبا لا ينوى على

- هو أقرب
أبعد من

خائف ل

« النخيل » ولكنه طبع على ماكينة الماستر فخرج بسنيطا في طباعته
ولكنه كان الخروج الأول لسمير الفيل على أية حال .

ثم يتولى الشاعر مسئولية نادى الادب في دمياط عام ١٩٨٣
- وحتى الآن - ويحاول من خلال هذه المسئولية أن يكمل مسيرة
رواده السابقين وسط جيله الذي يسمونه في « دمياط »
« جيل الوسط » والذي يشمل ضمن من يشملهم مجدى الجلال ،
محمد الزكى ، محمد علوش ، محمد غندور . وغيرهم .

يكتب سمير الفيل الشعر العامى ، والقصة ، ويساهم
ببعض المساهمات النقدية ، فقد نشر حوالى أربعين قصة ولكنه
يضع شعر العامية همه الأول ، فقد قطع فيه شوطا متاسبيا .

وتعكس نشأة سمير الفيل جو التنشئة الاجتماعية
والسياسية التي سادت مصر خلال عقد الستينيات ، أعنى حمل
هموم الوطن بالالتزام فى الكتابة ، وتبنى قضايا الناس حتى
لايفلق الشاعر نفسه ويجتر أحزانه الخاصة . وهذا ما يدفع به
الى تضمين بعض الموروثات الشعرية الشعبية ، وهو ما يعكس
أيضا نبوة الحزن فى قصائده - فهو شاعر حزين يحاول البحث
عن نقطة ضوء أو جرعة تفاؤل ، التى لايجدها فى الآن الذى يعيشه
بل فى « زمان » فيشتم « ريحة زمان » التى تناديه .

(٢)

وقد قسم « سمير الفيل » مجموعته الشعرية الى ستة أقسام
هى تحولات ، ندهة من ريحة زمان ، البكاموش حرام ، حكاوى
أرضنا الكتومة ، خطاوى البدرية ، آخر نفس .

وداخل كل قسم من هذه الأقسام الستة وضع مجموعة من

أنا الى سنكرت دكاني

بعد ما صمته أبكاني ..

ضناقت عيون ع البعد

من وحدتى ...

أوصيك يا بحر ما تنده على

قول للفريق يكتنم فى المسا ضحكته .

ثم يختم الوحدة الأولى (القسم الأول) بمحاولة امتزاج مع
الماضى / الطفولة ومع بعض مظاهر الحياة فى وطنه الصغير دمياط،
وهو يرصد حياة هذه المدينة التى هى :

— دروب تخاصم كل سكانها فى الضهرية

فى الليل بتضحك ما تعرفشى تبوز

وهو العامل — النجار وسط هذه المدينة :

— جوه منديل تيل اتفرك عيشى

ريحة نشارة الخشب فى نخاشيشى ..

ريحة النشارة

تقاسمنى حلمى بالأشياء

نافورة من ذكريات ما بتخليشى .

والواضح أن هذه الوحدة قد ركزت على ما بدأنا به الحديث ،
على الحزن الشفيف الذى تمتزج فيه أحزان الأمس وأحزان الطفولة
مع هموم الوطن الصغير دمياط والوطن الكبير مصر . فالشاعر يبدو
جندياً مقاتلاً شرساً أرغم على السكوت ، حتى خلع ملابس الجندي
وراح يتحول الى تاجر يحسب الحياة بالربح والخسارة ، وليس

ذلك بعيد فقد تحولت المدينة الى ضجة من الشواكيش ،
أما قلبه (النبي) فقد فقد حلاوة زمان وبهجة الأمس . ولعل ذلك
سبب انتظار ندهة واحدة من ريحة زمان الجميل .
وهي عنوان الوحدة الثانية . التي يبدأها بتعمق أكبر لحالته
النفسية والاجتماعية ، كاشفا عن السر الذي أخفاه في الوحدة
الأولى :

- ايه الى هز جبل الغسيل ؟!

عصفور بيندهنى

ولا صرخة قتيل ؟! ...

ايه الى هز جبل الغسيل

عاد بى ورج الحنين جوايا

وايه بداية الحكاية ؟ ...

- تلقى الجسد مدعوك

وفى اللسان الشوك

تلقاك غريب

والوطن من على كيفك ...

وآخر العمر تتباع فى سوق النخاسه ...

اياك تنسى تصبح

على وجه سلطان القطر المملوكى الجليل

ايه الى مرغنى فى الذكريات

وعتم الضى وزرق القناديل

ايه الى هز جبل الغسيل ؟!

ولكنه لا يستطيع أن يبوح بأصل هذه الحكاية أو بفروعها
الحزينة إلا أمام كتوم يبتلع ذكرياته ووحشته ولا يدل عليه لأحد :

- ما أقدرش أفضفض لغير النيل
بتوهينى ضفتيه السماع

ويؤكد الشاعر هذه الدلالات باستمرار ، الأمر الذى يكتنف
« روح العدو » فى شعره ، ويعلى من صوت النواح على الماضى
والذكريات والوطن .

وحتى تتأكد روح العدو لديه ، يكتب مراثيه فى زكى عمر
وفى طاهر أبو فاشا . وفى هاتين القصيدتين يكتنف الشاعر جرعة
الحزن ولكنه دائما يذكر الوطن ، وكلما انتقص الوطن شاعرا
تساءل .

- قبل انفلاتك

فى البعيد فهمنا

يا عمنا ايه آخر المشوار

هل تكمل الغنوة الصبوح

أم هينحش دارنا التتار ؟

وكذلك يرى فى موت الشاعر زكى عمر فرصة للتساؤل عن
مستقبل الوطن :

- موش بابكى موتك

فى غربتك بعيد ع الوطن

قد ما أسأل بارتعاش

عقارب الساعة عن زمن

يفوح فيه القرنفل

تقل فيه المحن

وفى الوحدة الثالثة البكاموش حرام يحس الشاعر أن جرعة
النكد قد زادت فيتبرأ منها ، فهو يصف الأرض والفرض . ويرصد
البومة التي تنعق على سلوك الهاتف ، ثم يصف حزنه ووظيفته
لأول مرة فى هذا الديوان :

- الحزن مش الخروج ولا الابتئاس

ماحناش بنكتب علشان ننكد عليهم

لكننا نخاف ع الناس .

وان كان للمرة الأولى - فى هذا السياق - يتعرض لعلاقة
السر - الكتمان - الكلام - البوح =

- ما اتعس الكتمان

ما أروعك يا شعرنا يا فاضح الزلزلة .

وراصد البركان

جايز تكون متعفر القسمات

لكن الحنين واضح

مابدناش الا أن تقوم أرضنا قومة

وتنفض الأحزان .

بل هى المرة الأولى التى يأخذ فيها الحزن والشعر والأرض
سلوكاً عملياً بعيداً عن اجترار الأحزان ومضغ التعب الذى امتلأت
بهما الوجدتان الأولى والثانية . ويستمر فى هذه الوحيدة فى
تذكيرنا بأخذ موقف من الغريب الذى هو سبب حزننا منذ آلاف

ويستأنف الشاعر نفسه الشعري في الوحدة الرابعة من الديوان بعد أن اكتملت دوائر الحزن والغربة والخوف بالأغاني والفرح والحلم . يستأنف بالرجوع الى حضن الأم ، وحجر الجدة ، وسجادة الأب ، فيستسلم لحكاوى أرضنا المكتومة ، بعد أن حدد ملامح حلمه ومستقبله ، لاعتنا العجز والاستسلام .

ولاشك في أن ثيمة الانتظار مفتاح للمرحلة القادمة من الديوان فالفرق بين الأمل (الطفولة / الذكريات / الحكاوى / السر) وبين اليوم (العجز والخوف والغربة والشك) هو (الانتظار) انتظار (الغد) و (المستقبل) و (الأمل) الذى لخصه الشاعر في الفرق بين جيلين : جيل الطفل / الشاعر وجيل الشيخ / الخوف .

فـ :

– الطفل عدى الضل ما اتبلش

– الشيخ يفر دفاتره ويراجع .

ونحس الرغبة فى المقاومة تزداد ، على الرغم من اشاراته المباشرة لهذا الطفل بأن ينهى بكاءه ، وتزداد حدة المقاومة لدرجة أن العين تجمد عن الدمع حين يسقط الشهيد فى سكة الخلاص ، لأن هذا الموت بداية الخلاص وبداية النور :

– يموت أعز أصحابى بالسكينة

أعطى جسده بالأوراق

وأحاول أبكى

دبعتى ماتجيش

فندرك تغيرا في موقف الشاعر ، ندرك أن علامات الطفولة
الشعرية فيه قد تحولت الى صمود ضد أوجاع اليوم وهمومه كما
أوضحها في قصيدته (الخنجر) . ومن ثم نجده يقف ضد
البكاء والدموع في قصائده التالية وإبتداء من نهاية منتصف
الديوان بالضبط :

فها هو الصغير يبكي :

- اتفجر ابني الصغير عياط

حطت مراتي ايدها على بقه . . .

اياك يا بحر تنوح

اياك يا بحر اياك

اياك يا صاحبي تدمع

أكنم في حزنك

صلى للشمس خضرة تعود

لأنه يقوم بالتعبئة التي تحول طاقات الحزن والبكاء والنوح
الى طاقة للعمل والخلاص والحلم بدلا من تنفيس الرغبة ، فالصمت
الآن قد تحول الى طاقة تغلي وتفور تنتظر سبابة الصفر ، اذ يتحول
النواح الى :

- صهيل وخيل مش نواح . . .

- قال لي البكا ممنوع

مركب قلوها اتقطعت م الريح

باعدى في الممنوع

ومن المنطلق نفسه يستدعى اسطورة ايزيس وأوزوريس ،

حيث نجد الشاعر يللم أجزاء حلمه ليصنع منها المستقبل كما
صنعت ايزيس من أجزاء أوزوريس كأننا حيا جديدا يستأنف
قتل الشر لينتصر الخير بعد صبر طويل دألت فيه دموع ايزيس
هذا النيل العظيم ، فهاهو الشاعر يرى نفسه أوزوريس :

- قطعنى سياف الملك فتافيت

شايف ايزيس بتفوت

وتلم لحمى الدافى جوه تابوت

بتلف نص الليل

وبتستريح تحت شجرة توت •

- لمى فى أشعارى

وسيبى الجنة للغربان •

فدائما :

- القاتل مات ، والمقتول جى •

وهنا تتوحد الحقيقة بالرغبة وبالأسطورة والحلم فى آن •

فمازال الشاعر يرى الشهيد حيا ، والشاعر حيا ، والوطن حيا ،
المحبوبة حية فى ضمير الوطن وضمير الشاعر وشعره •

لذلك لانتعجب من الشاعر حين ينهى الوحدة الرابعة بقصيدة
« الجذور » التى يتغنى - فيها - بالوطن • وكأنه وهو يختتم الوحدة
الرابعة ، يرى لزاما عليه أن يغنى لحكاوى أرضنا الكتومة ، ليجعل
فى النهاية - :

- الضحكة للعيل

ولسونكى للجلاد

أما فى الوحدة الخامسة فيستأنف الشاعر قراره بالأمل
والانتظار ، ويطوره الى خطوة أولى فى طريق تحقيق الأمل ، مع
الجموع التى ناداهما فى الوحدات السابقة .

— ع الجسر ماشى وخطوتى
خطوة أوف فلاحين .

ويحاول فى قصيدة « خطاوى » أن يبدأ هذه الخطوة نافيا
كل ما يعوق هذه الحركة . ولكنه يقع فى القصيدة التالية (طلبة)
فى الأحران والمبقيات التى طرحها فى نصف الديوان الأول —
اذ عاد الى العذوبة من جديد وحينما نعرف أن تاريخ كتابة هذه
القصيدة (١٩٧٠/٣/٥) ندرك أنها تنتمى لحقل الحزن القديم .

ولكنه يعود للأمل ثانية فى القصيدة التالية « أغانى حب
من مايو » .

— ايه الى فكرنى بقمر مبلول ندى
وشجر ييشنال البيوت على الأغصان
— وعشش غنا وفرسان

دروعهم القبل

وسيوفهم الأحضان . . .

ايه الى جد وعاد بى للوطن تانى

هل ماتم الحراس ؟!

فيا بوابة الحراس أو سمى

ارشقى فى شعر الجنائين

أزهار الربيع

انشري ملابس الأطفال

زاهية التقاطيع

دنى الجميع بالحب .

ثم يختم هذا الديوان بوحدة السادسة (آخر نفس) وهي مجموعة قصائد قصيرة ، وهي احدى عشرة قصيدة قصيرة كتبها الشاعر في ليلة واحدة ، وفي نفس واحد ، مساء (١٩٨٨/٦/٥) . لذلك نجدها مقطعات صغيرة منفصلة عن السياق العام لثنائية (الحزن - الأمل) التي تستوعب هذا الديوان . كما تنتمي هذه القصائد القصار لجو الأغنية ، بعيدا عن الصراع الاجتماعى الذى عارك الشاعر طوال القصائد التسع عشرة السابقة .

ونلاحظ أن الشاعر يختم هذه الوحدة القصيرة ، ويختم الديوان كله بما لاحظناه عنده من صراع الحزن الأمل ، نجده يختم بقوله :

- نفسى يكون كلامى قد القد

لا زايد حبة ولا ناقص

نفسى اكتب عن جمال القد

أنا تعبت من الكلام

ع الظلام الدامس .

(٤)

ثلاثون قصيدة بين الطويلة والقصيرة جدا . ينوع الشاعر فيها بين تقنيات كثيرة ، ومستويات لغوية متنوعة . فنجد القصيدة التي تقوم على توظيف الصور الشعرية ، وهي غالبية قصائد هذا

الديوان . ونجد التساوق الصوتي بين الألفاظ يجسر بعضه بعضا ، حتى أننا نتخيل طريقة متميزة في أداء هذه القصائد لا يرتبط بطريقة كتابتها ، أو بتقسيم تفعيلاتها .

ونجد الشاعر مغرما بالتداعي في مستويات عدة : التداعي بين الصور الشعرية ، والتداعي بين الصوتيات بين الألفاظ . والتداعي بين الحوادث والشخصيات التاريخية ، التراثية وغير التراثية .

ولاشك في أن التداعي تقنية مهمة في السرد ، تقوم في حقيقة الأمر على محاولة جر المتلقي الى عالم النص ، وإعطائه متعة جمالية ، تجعله متعاطفا مع مقولات الشاعر وأغراضه الكامنة وراء هذا التشكيل اللغوي وتقنياته المتعددة .

ويعمد الشاعر الى لغة وسطى تقف بين العامية والفصحى تفترق عن الفصحى الخالصة بالتسكين الحادث على أواخر الكلمات . والتركيب الأسلوبى المرتكن على الهيئات العامية - ويقف المعجم وسطا أيضا بين العامية والفصحى .

ويتضح بيان هذه السمات الفنية واللغوية في المقطوعات التي استشهدنا بها فيما سبق من الدراسة ، فلا داعى للتكرار ثانية .

وتتسق هذه السمات الوسطى بين تقنيات القصيدة العامية وتقنيات القصيدة الفصيحة ، مع رؤية الشاعر التي تقف موقفا وسطا بين الحزن والأمل ، بين الماضى والحاضر .

ولا ينسحب ذلك على موقف الشاعر السياسى والاجتماعى فله موقفه الواضح والمنحاز للفقراء وأصحاب الكلمة المقاتلة وهو يحاول ألا يكون مباشرا فى قصائده السياسية هنا ، ولكن هناك بعض الأدوات الفنية واللغوية توقعه فى هذه المباشرة ، مثل أدوات

النداء الكثيرة ، وعلامات الاستفهام والتعجب ، والأسئلة الكثيرة التي يطرحها على الآخر وعلى النفس باستمرار ثم نلاحظ الأمور نفسها في أفعال الأمر والنهي ، وفي أساليب التعجب والطلب ، وهي أساليب انشائية تحريضية بالضرورة ، توقع الشاعر في منطقة اللا صدق والا كذب . فيقل ذلك من موقف الشك والحيرة وهو موقف يعطل لحظة التعاطف التي يريدنا مع المتلقي ليتجاوب مع رؤيته الفنية ، وبالتالي يقف المتلقي لحظة ليتأمل ، ويفكر بعقله ولا ينحاز بعاطفته وإن استطاع الهروب من سطوة الشاعر وحاسته الشعرية فسوف يهرب وتضيع القصيدة في الهواء .

ولكنني أزعج أن الشاعر بعيد عن الفجاجة وإن لم يبتعد عن المباشرة . وقد ساعد على هذا الزعم ، أن الشاعر يحاول أن يجرّد أفكاره ويطلقها في جو فلسفي يحاول فيه أن يرصد فلسفة هذا الشعب في فهم واقعهم لأن الشعر عند باب واحد هو باب مصر المقدسة .

وتعاطفه مع هذا الشعب يجعله راغبا ومستشهدا في تراثه وموروثاته المصرية القديمة والشعبية العربية والإسلامية . وقد أشرنا إلى تأثيره بإيزيس في فقرة سابقة . وهذا ما جعل معجم الممالك يتداعى في قصائده فنجد الملوك ، السلطان ، الأمير ، الحواديث ، سليم الأول ، الفانوس ، النافورة ، المشايخ ، التتار ، الحارة ، فرمان ، شجرة الدر ، البيادة ، الخوذة ، قهوة سادة ، النخاسة ، ابريق ، خصيان ، جوارى ، السونكي : . . . الخ . كما جعل المعجم الشعبي بدور خلال الديوان كله مثل حكاية ، حواديث ، تعويذة ، . . . الخ .

كما لا ينسى الشاعر أنه ابن بحر وابن بيئة تجارية ، فيغنى للملاحح الساحلية لبلاده دمياط ، كما في قصيدته (حارة البركة) .

والشاعر دائما يعاني من فقد ، هناك أشياء مفقودة ، وهناك
لديه احساس بفناء العالم ، وموت الظالم والمظلوم : ف :

- كل شيء هالك البشر والممالك
حوافر الأحصنة على العشب الطرى
وجحافل الغزو كذلك .

وهذا ما يدعو الشاعر - دائما - الى التشبث بالحياة ،
والموروث ، وجزئيات واقعه دمياط الصغيرة ، ودمياط الكبيرة ،
مصر . وهو ما يجعله دائم الاستدعاء لعناصر من طفولته ،
ولعناصر من تاريخه وتراثه ، ولعناصر من واقعه الاجتماعى
والسياسى - وهذا ما يجعله دائم الاسقاط من النفس والواقع على
الموروث ، وهذا ما يجعله دائم الذكر للنيل ، والنخيل ، والنهر ،
والشجر ، والطيور ، . الخ .

(٥)

ويتحدث سمير الفيل كثيرا عن الشعر ، القصيدة ، الكلمة ،
الحروف . وهو تأثير مرحلة الستينات على شعره ، فليس هناك
ديوان من دواوين الستينات - فصيحى أم عامية - لم يتحدث عن
دور الشعر والتزام الشاعر ، وعن القصيدة الوطن ، والحرف
السياف ، والكلمة السحر التى تفك الطلاسم ، والقصيدة الحرب ،
والعبارة المقدسة . وسمير الفيل هنا يخرج علينا شاهرا سيف
الستينات فى السبعينات والثمانينات ، وليس هذا الخروج بشاذ
أو بعيد فان المنطلقات لازالت هى هى عند شعراء العامية ، وان
اختلفت وسائل ووسائط التشكيل اللغوى .

فسمير الفيل يقول كما قال سابقوه :

- الشعر بلدى المستباح والظلمة قبل الصباح .

وهذا ما جعله حريصا على أن يضع فى قصيدته بقع ضوء
لاتقطع الأمل من نفس المتلقى . ولكن هل نستطيع أن نرصد
فارقا بين نصوص السبعينات ونصوص الثمانينات عند
سمير الغيل ؟!

(٦)

تتدرج تواريخ هذه القصائد من (أكتوبر ١٩٦٩) الى
(مايو ١٩٨٩) أى اختار الشاعر قصائده من خلال نتاجه فى
عشرين عاما تقريبا . ولكنه من بين العشرين عاما ، اختار قصيدة
من (١٩٦٩) المطبوعة . وقصيدة من (١٩٧٠) طلقة . وواحدة من
(١٩٧١) أغاني حب من مايو . وواحدة من (١٩٧٢) وهى
خطوى . فجعل الوحدة الخامسة تضم الفترة بين (١٩٦٩ -
١٩٧٢) .

ويخصص الوحدة الرابعة لقصائد كُتبت (١٩٧٩) هى على
التدريج البك ٧/٢٧ - الحرف الساكن ١/٩ - جذور ٧/١ - وترك
قصيدة الخنجر بدران تاريخ .

ثم تمر سبع سنوات كاملة غير ممثلة فى هذا الديوان بين
عامي (يوليو ١٩٧٩ الى يونيو ١٩٨٧) ثم يستأنف انشاعر قصائده
عن الأرض وانفرض (٨٧/٦/٢٣) بكائية الى زكى عمر
(٨٧/٧/٢٩) كل شيء (٨٧/١١/٢٣) ويتبقى قصيدة واحدة فى
الوحدة الثالثة وهى صوت المكتوبة فى (٨٨/٥/٩) .

أما ثم يكتب الوحدة السادسة كلها (٨٨/٦/٥) أما الوجدتان
الأولى والثانية فكتبت الأولى كلها (٨٩/٣/٢٣) وكتبت الثانية

(١٦ / ١ / ٨٩) و (٢٢ / ٥ / ٨٩) وفيما عدا قصيدته جبل الغسيل بدون تاريخ .

ويعنى هذا أن هذا الديوان يمثل المرحلة الأخيرة من حياة الشاعر وشعره ، وهى فترة الثمانينات . بينما تبهت التواريخ الأخرى خلال الستينات والسبعينات .

ولهذا فالترتيب الفنى لهذا الديوان أضبط من ترتيبه التاريخى . وهو ما اعتمدنا عليه فى دراستنا لهذا الديوان .

وبعد

فهذا ديوان واحد من شعراء العامة المصرية يشق الطريق أمام الجيل الجديد الذى يدعى أنه جيل بلا أساتذة فأساتذة سفير الفيل معروفون من خلال شعره ، اذ نحس أصوات « فؤاد جداد » و « صلاح جاهين » و « عبد الرحمن الأبنودى » و « سيد حجاب » و « زكى عمر » ، و « طاهر أبو فاشا » وغيرهم واضحة .

لهذا أدعو الجيل الجديد الذى يحاول تحطيم شكل القصيدة التى تركها هؤلاء الرواد ، ليخرج بشكل جديد ، أن يتمهلوا كثيرا ، فلا جديد بلا قديم ، ولا بناء فى الهواء ، ولا موروث بلا تراث ، ونحن منتظرون للانتاج الجديد الذى يجدد شباب الشعر كما فعل سفير الفيل مع الجيل السابق له .

فهرس

٣٠٠ الاهداء ٣

٣٠٠ تحولات : ٣

٣٠٠ ضم النخيل ٦

٣٠٠ خديعة ٩

٣٠٠ ودع ١٢

٣٠٠ حارة البركة ١٥

٣٠٠ ندهة من ريحة زمان : ٣٠

٣٠٠ جبل الغسيل ٢٠

٣٠٠ لون البحيرة ٢٦

٣٠٠ روحك وضل البيوت ٣٢

٣٠٠ البكا مش حرام : ٣٠

٣٠٠ عن الأرض والفرض ٤٢

٣٠٠ كل شيء ٤٨

٣٠٠ صوت ٥٥

٣٠٠ حكاوى أرضنا الكتومة : ٣٠

٣٠٠ الخنجر ٧٠

٧٥	• • • • •	• البكا
٨١	• • • • •	• الحرف الساكن
٨٧	• • • • •	• الجذور

• خطاوى البدوية :

٩٥	• • • • •	• خطاوى
٩٩	• • • • •	• طلاقة
١٠٤	• • • • •	• أغاني حب من مايو
١٠٩	• • • • •	• المطبعة

آخر نفس :

١١٦	• • • • •	• ريحة
١١٨	• • • • •	• جرح
١١٩	• • • • •	• تراب بيتها
١٢١	• • • • •	• مهرة
١٢٣	• • • • •	• آذان
١٢٥	• • • • •	• غنا
١٢٧	• • • • •	• خجل
١٢٩	• • • • •	• بلاد
١٣١	• • • • •	• عيون
١٣٢	• • • • •	• نوم
١٣٤	• • • • •	• نفسى
١٣٥	• • • • •	• الدراسة

صدر من هذه السلسلة :

- | | | |
|-----------------------------|------------|---------------------|
| ١ - شوارع تنام من العاشرة | (قصص) | أحمد محمد حميده |
| ٢ - باب الريح | (قصص) | نبیه الصعیدی |
| ٣ - حكاية عروسة البحر | (شعر) | حجاج البای |
| ٤ - الدم وشجرة التوت الأحمر | (رواية) | محمد عبد الله عيسى |
| ٥ - وقائع موت الجياد | (شعر) | عصام الغازی |
| ٦ - الشاطر حسن ٠٠ يخيب | (قصص) | عبد المنعم الباز |
| ٧ - وعائد اليك | (شعر) | المنجي سرحان |
| ٨ - مهزلة عائلية | (مسرحية) | جمعة محمد جمعة |
| ٩ - قصاصات حب | (قصص) | اسماعيل علي |
| ١٠ - تاريخ بؤرقه الظما | (قصص) | مشهور فواز |
| ١١ - بقايا انتظار | (شعر) | عبد الفتاح منصور |
| ١٢ - اعدام قيس بن الملوخ | (مسرحية) | محمد عبد العزيز شنب |
| ١٣ - نقوش الدم | (رواية) | رجب سعد السيد |
| ١٤ - تأملات في وجه ملائكي | (شعر) | عبد الله السيد شرف |
| ١٥ - الصعود الى القصر | (قصص) | مصطفى الأسمر |
| ١٦ - اغتراب ٠٠ | (شعر) | ناجي عبد اللطيف |
| ١٧ - والفجر | (قصص) | جمال نجيب التلاوي |
| ١٨ - فيضا يكون العشق | (شعر) | عبد المجيد أحمد |
| ١٩ - حكاية الديب رماح | (قصص) | خيري عبد الجواد |
| ٢٠ - خديجة بنت الضحى | | |
| الوسيع | | |
| ٢١ - فارس آخر زمن | (قصص) | سماح عبد الله |
| ٢٢ - شهرزاد | (شعر) | حسن شلنده |
| ٢٣ - من ثقب الحزام | (قصص) | نجوى السيد |
| ٢٤ - العطش | (شعر) | محمد هويدي |
| ٢٥ - الزحمة | (مسرحية) | فاروق الأفندي |
| ٢٦ - تداعيات العشق والغربة | (شعر) | نصر الدين رحى |
| ٢٧ - السيف والوردة | (قصص) | صلاح والى |
| ٢٨ - رحيل م م | (شعر) | حسن الجولج |
| | | مهدي محمد مصطفى |

- ٢٩ - تراب على وجه القمر
 ٣٠ - بلغنى أيها الملك
 ٣١ - الديك فى السيارة
 ٣٢ - أبناء النهر
 ٣٣ - وحنما سيعود
 ٣٤ - بقايا شموع
 ٣٥ - بيت آل شحات
 ٣٦ - الليلة ٠٠ تحكى
 ٣٧ - وجه العالم
 ٣٨ - فصل من التاريخ الخاص
 ٣٩ - النورس
 ٤٠ - فصول من كتاب الليل
 ٤١ - رجل فى الظل
 ٤٢ - الجلوس خلف الأبواب
 ٤٣ - التائهون
 ٤٤ - العيون الملهمة
 ٤٥ - قمر بوبا
 ٤٦ - الميلاد وحكايات الحريف
 ٤٧ - الرقص فوق البركان
 ٤٨ - موسم زرع البنات
 ٤٩ - تنوعات على رأس رجل
 محيط
 ٥٠ - أزهار برية
 ٥١ - انتظار
 ٥٢ - ورقة من بطاقتي
 ٥٣ - ماسار
 ٥٤ - الخيل والليل وزهور البنفسج
 ٥٥ - طائر الحب
 ٥٦ - الخروج واشتعال سوسنة
 ٥٧ - العاشقون
 ٥٨ - طالعين توش النشيد
 ٥٩ - أرجوكم ارحلوا
- (قصص) رشدى أحمد معتوق
 (مسرحية) فتحى فضل
 (قصص) محمد السيد سالم
 (قصص) على عيد
 (مسرحية) أحمد أبو سنديرة
 (شعر) محمد فرج
 (قصص) جمال فاضل
 (مسرحية) مجدى الجلاد
 (قصص) سعيد عبد الفتاح
 (شعر) حزين عمر
 (قصص) ابتهاج سالم
 (شعر) فؤاد سليمان مغنم
 (قصص) عبد الفتاح يونس
 (مسرحية) محمد الشربيني
 (قصص) كاميليا كمال الدين
 (شعر) محمد محمود عبد العال
 (قصص) ابراهيم فهمى
 (شعر) يس الفيل
 (قصص) حسين البلتاجى
 (شعر) كوثر مصطفى
 (قصص) عزت عبد الوهاب
 (مسرحية) عبد الشافى داود
 (شعر) محمد فكرى
 (شعر) النبوى سلامة
 (مسرحية) أنور جعفر
 (شعر) محمد هاشم
 (قصص) اسماعيل وكر
 (شعر) عبد الناصر هلال
 (قصص) نغمات البحري
 (شعر) طاهر البزبالي
 (قصص) جمال بركات

٦٠ - آخر ما قالتها الملكة	(شعر) طه حسين سالم
٦١ - عيون الدهشة والحيرة	(قصص) محمد عبد الله الهادي
٦٢ - نور النار	(قصص) فؤاد حجاج
٦٣ - عندما جاءت الأمطار	(رواية) ابراهيم محمود حمدي
٦٤ - أغنية أولى	(شعر) عماد غزالي
٦٥ - للمدينة وجه آخر	(قصص) زكريا السيد عبيد
٦٦ - خلف جبال الشمال	(شعر) اسماعيل أبوزيد
٦٧ - من ضحك كثيرا	(قصص) هشام قاسم
٦٨ - قلبي وأشواق الحصار	(شعر) عيد عيد صال
٦٩ - يوميات خلود	(قصص) خالد الصاوي
٧٠ - النبوءة	(شعر) عصم أبوزيد
٧١ - قبل الخروج من الطابور	(قصص) سعد عبد الحميد
٧٢ - لبلابة في القمر	(شعر) مصطفى النحاس أحمد
٧٣ - من ديوان العشيق	(قصص) سمير فوزي
٧٤ - كائنات في انتظار البحث	(شعر) محمد السيد اسماعيل
٧٥ - أرخص الدموع	(قصص) السيد الجندي
٧٦ - شوقا اليك	(شعر) سعد عطية
٧٧ - الولوج في دائرة التيه	(قصص) معصوم مرزوق
٧٨ - قدمت للحب استقالة	(شعر) ياسر قطامش
٧٩ - الآخرون وأغنية للضحى	(قصص) سيد عبد الخالق
٨٠ - الدق ع البيبان	(شعر) محمد صابر مرسى
٨١ - رائحة الزهور البرية	(قصص) صالح الصياد
٨٢ - مسافة الحلم	(شعر) مؤمن أحمد
٨٣ - فوق شجرة ما	(قصص) نهد عز العرب
٨٤ - عنقيد الشمس	(شعر) رجب الصاوي
٨٥ - مربوط الفرس	(مسرحية) سليم كيتشنر
٨٦ - سندريلا وأخلام سندباد	(شعر) محمد عبد الرازق زهيري
٨٧ - المصفقون	(قصص) حمدي البطران
٨٨ - ندهة من ريحة زمان	(شعر) سمير الفيل
المعد القادم : حلم أطفال	(قصص) خيري السيد ابراهيم

تطلب كتب هذه السلسلة :

- باعة الصحف
- مكتبة الهيئة
- المعرض الدائم للكتاب بمقر الهيئة
- منافذ التوزيع في مكان وفروع الثقافة الجماهيرية وهي كما يلي :
- الوادى الجديد .. الداخلة والخارجة .
- البحيرة .
- المنيا .
- بورسعيد .
- دمياط .
- فارسكور .
- القليوبية (بنها) .

مطابع الهيئة المصرية العامة للكتاب

رقم الايداع بدار الكتب ٤٧٤٢/١٩٩١

ISBN — 977 — 01 — 2769 — 0